

龍巖州志卷之二

規建志

巖始邑於晉迄唐宋元承草創之餘諸多荒略至明而規制粗具迨我

朝雍正十二年陞州後凡城池倉儲公廨試院祠廟壇壝與夫津梁陂堰坊表諸務煥然改觀距今又九十餘年值

國家休養生息官有餘閒民多慕義踵事增華視昔有加矣無棄前功是所望於後人也志規建

城池

龍巖州城池唐時無攷宋初編竹爲限後易土牆歲久傾圮紹

龍巖州志

卷二

規建志

定庚寅知縣趙性夫因西岡爲砦以避寇今日官砦是也淳

祐己酉知縣趙崇揆甃以石元至正間知縣黃仕龍卽砦麓

築土城縣治仍在城東寇至輒燬至正甲申邑人盧仲義倡

議築城并包縣治在內役繁未果丁酉知縣趙昱成之於是

有上下二城辛丑監縣達魯花赤鎖住閤以二城不便守因

於界處聯築爲一鑿濠護之甲辰知縣趙璉以西逼高山不

利拓而大焉周圍八百七十二丈高二丈一尺濠九百五十

九丈深一丈五尺明洪武八年知縣劉文或復脩濬之爲門

六東曰寅賓西曰西成南曰南門曰南津北曰北門曰北關

城南關小水門各建樓於上正統間鄧茂七寇亂官民之居

皆燼成化五年都督范雄邑人監生張麟治中邱昂先後建
言脩築及乞戍兵不報六年巡撫都御史滕昭申前請得報
可未幾滕去副都御史張瑄繼之檄參將趙昌知府王文等
計費合興泉漳三府協工委成於知縣韋濟八年乃興工闢
城之西北隅建守禦千戶所砌築今城視舊增十之三圍一
千九十二丈上爲女牆築馬道設警鋪十門樓五小水門一
水函二十三年知縣伍星奎踵成之編脩楊守陞記正德間
知縣余成署所指揮楊拱辰嘉靖二十六年知縣胡景華俱
脩歲久南城嚙於水頻築頻圯東門亦因以壞三十三年知
縣湯哲奉漳南道梁佐檄乃於城外築河爲堤自南迄東長

一百八十餘丈以捍水患名曰湯堤重建各門樓匾以新額
東曰賓陽南曰迎薰西口留暉北曰拱極西北曰永寧三十
九年饒寇攻城南郭門燬明年湯相復增高城垣五尺鑿濠
廣一丈五尺周圍增建敵樓四十一座塞北門建最高亭於
西北城堞以資守望隆慶四年南門樓圯於水萬曆二年知
縣黎紹誥脩築四年知縣馬章重建南郭門自爲記丁巳六
月洪水暴漲西南至東樓牆俱圯知縣朱泰禎重築計二百
二十四丈增高南門樓數尺謂離明豁達之象御史王命璿
記天啟辛酉水圯南隅上下城三十餘丈知縣張曰祥脩築
崇禎甲申六月水溢數丈西東南一帶城垣并南門樓與水

俱盡知縣董汝昌鳩民築之惟縮小南門非向明所宜

國朝順治十四年知縣王有容重建巍大與四門等改爲文明門先是土寇屢犯至九年王有容莅任嚴加脩防重建西門樓增設木柵復敵樓一十三座銃眼窩鋪相連黃嶽允爲記康熙二十二年知縣左峴以東門樓爲縣治下關卑低不稱乃復增高數層二十四年奉部文脩城浚濠知縣江藻視城垣樓堞頽壞者營繕之五十二年大水南北西三門城垣皆圯知縣陳人文詳動觀穀變價脩築雍正六年知縣萬物觀脩十三年東門樓右及西南北城垣各倒壞乾隆元年大水南門一帶城根圯俱知州張廷球捐修東南二門外湯堤久

崩陷百丈二年張廷球重築有記三年又重脩東西南及永寧門并水門各城樓額水門曰通津乾隆二十二年大水衝倒城垣一百十二丈六尺裂斜五十二丈四尺南門城樓亦圯二十三年正月知州嘉謨詳請脩築自爲記厥後小有倒塌俱隨時脩葺道光二年南門樓燬署州呂志恆詳請重建五年西北隅城圯三丈知州尙維昂脩葺以雨淋浸漬周圍城垣各多倒塌北門左右尤甚九年知州彭衍堂莅任捐俸編脩共計廣二十二丈四尺每雉高下不一而東門歲久將傾亦次第脩理完密

漳平縣初無城明宏治辛亥流寇溫文進亂乃立木柵爲守後

廢正德間知縣吳照汪淳相繼重立知縣徐鳳岐奉准分巡
僉事胡璉知府陳洪謨議成動支官錢聚磚石包砌民賴以
安周圍六百二十丈高一丈八尺爲門四東曰迎恩南曰朝
陽西曰偃武北曰拱辰各豎城樓爲水門三窩鋪七東西疏
溝渠南北臨溪澗積久城樓傾圮嘉靖間知縣陳世俊桂懋
實先後俱脩旋傾圮署縣朱召重建

國朝康熙六年知縣鄭琬脩重建窩鋪十九年大水浸漬陴隍
東北隅崩頽四十雉西北隅亦倒塌知縣查繼純脩厥後歲
久失脩倒塌日甚脩費浩繁詳報勘估乾隆二年知縣傅維
祖領帑承脩不敷之數卽捐廉俸以濟有記道光九年冬巡

視城垣女牆多圯東南門樓並壞溪岸齧至城根延紳士領
簿勸捐議脩知縣蔡世鉞捐廉百金爲之倡

寧洋縣城明隆慶元年巡海道周賢宣相地知縣董良佐築建
從巖諸生曹文騁曹鳴鳳議也城垣高一丈八尺厚一丈五
尺周圍四百八十丈甃以磚石上爲女牆爲門四東曰翔鳳
西曰登雲南曰瑞麟北曰佩玉各有城樓東南一帶有濠溝
西南北三面以溪爲池萬厯元年知縣柳如梁增設窩鋪四
所六年知縣鄧干蕃濬北城濠達於大溪十四年知縣陳德
言以四門額不稱更之東曰瑞應西曰文明南曰清波北曰

翔鳳

國朝順治十一年土寇鄭鵬猖獗焚東南二城門官民之居皆
燼十三年知縣蕭亮重建并建城樓脩治舊窩鋪既而四門
城樓多倒塌康熙二十三年知縣李文然脩二十八年知縣
沈荃增脩城垣窩鋪厥後小有倒塌俱隨時脩葺

倉廩

龍巖州

預備倉

明洪武初命所在州縣設預備倉給鈔糴穀預備
糧儲遇有水旱給貸貧民龍巖設四所正統間增
置六所後只
存縣治一所

際留倉

在州廨東明時建收貯屯
米支給衛所官軍俸米

常平倉

在州廨東康熙五十三年奉例納穀准監知縣陳
人文建倉十八廩中有廳事前有倉門雍正六年

龍巖州志

卷二

規建志

五

通飭買補倉穀知縣萬物親請增建六廩十一年奉發
江浙米價買穀貯倉十二年知縣劉彤請增建二廩共
二十四廩內貯貢監捐納官民捐積官民溢捐並江浙
米價買貯及贖社等穀共一萬四千四百六十八石三
斗九升米貴平糶以濟
貧民遇災詳明散賑

社倉

龍巖社倉之設未知始於何時前志不載大約在乾
隆三年以後倡捐之初做崇安遺制各坊社設倉存

貯以備凶荒今則有名無實所儲谷石早經變價所變
銀錢多為里民侵蝕懸欠間遇飢年鮮有得社倉之助
者聞初設倉時此項儲積經理在民查驗在官胥役從
中勒索規費董事者苦其煩擾且恐積久拖累多變價
呈繳嗣後有無賴之徒冒充社長具呈請領經手胥役
利其減價分肥通同包庇至有領出經年坊社象等尚
未聞知及知而告發追欠已無及矣即有殷正鄉長領
出歸衆而歷年差查盤費不貲雖有微息不敷應用道

光十二年知州彭衍堂奉
大憲諭設義倉於是坊社

義倉

明嘉靖元年知縣謝思木建參政林魁記後廢知縣
楊開泰復建
國朝知縣王有容江藻俱脩捐俸買

穀貯散後置常平倉遂廢也每逢荒年米價騰貴官印具文申請平糶俟詳覆到日始行開倉龍巖距省千里往返動需時日若米價驟昂恐不逮事且丁口設繁僅待濟常平一倉其勢易竭況飢民嗷嗷雲集蟻聚粹難給發必憑坊社丁票分限日期近坊尚易沽恩遠社實難驟給是常平出穀未易衍堂勸諭坊社捐置義倉俾得就近經營隨時賑恤并鑒從前社倉之弊出示剴切曉諭存案以杜弊實爰是坊社各設義倉先時積貯庶遇荒歉之年得以少濟云

附載勸設義倉諭

為再行剴切曉諭事照得前奉撫憲札飭勸設義倉業經本州疊次出示曉諭并面飭各坊社地保傳齊董事勸諭各殷戶捐輸銀穀妥議章程去後迄今一載有餘尚未據報捐完竣如西門溪南所內武安平在西山陳陂東肖湖邦小池雁石東山蘇坂馬坑等坊社雖經報捐為數無多而州前江山等坊社迄今尚未報捐各殷戶存心觀望不肯踴躍捐輸或因事經報捐有案現雖歸民管理誠恐日久弊生將來或有差查擾累或胥役混稟仍提入官不能聽從民便是以便民之舉轉致累民流弊滋生在

所不免自應明定章程以圖久遠除再飭催地保及董事人等實力勸捐外合行剴切曉諭為此示仰各坊社紳耆士庶人等知悉爾等當知義倉之設係以一方之蓋藏備一方之不足一切出納經理係聽民間自行主裁永不歸官亦不許胥役混稟請查致滋擾累該紳民等誼篤桑梓務當仰體大憲卹貧保富之至意其已報捐者繼長增高俾臻充裕其未報捐者力加勸勉設法經營或捐銀錢或輸粟穀總以每一坊社捐穀在五

漳平縣

預備倉

在縣治東明成化七年知縣陳粟建正德七年知縣汪淳重建後廢

際留倉

在縣治東南正德七年知縣汪淳建後廢

常平倉

在縣公廨內康熙五十三年開捐知縣章自恭承建共倉二十九厥雍正十二年署縣陶學植因奉

發江浙米價買穀貯倉請增建四廩共三十三廩內貯
貢監捐納官民捐積官民溢捐買補虧空江浙米價採
買併社穀共一萬一千九百五十三石
二斗二升四合五勺以備平糶散賑

寧洋縣

常平倉

在縣二門外寅賓館後康熙五十三年開捐知縣
王登賢承建共倉一十九間內貯貢監捐納官民

捐積贖社穀共九千二百五
十三石七斗以備平糶賑濟

濟饑倉

在縣二門左順治十八年知縣蕭亮建時當亂離
之後亮以荒基架築店舍十二間招集流氓溫貞
明等前來住居取其佃領附卷每年共納租穀七十四
石充入義倉收貯以備凶荒賑恤給與印照永付佃居

詳立
檔案

社倉

萬曆二十四年知縣黃夢鴻共建四所一在
大興一在水口一在大淘一在南坑今廢

公署

龍巖州志

卷二

規建志

癸

龍巖州署即舊縣署唐時在城中稍東乾寧天祐中拓建廢興

莫攷宋紹興十七年以後寓解於僧舍乾道六年知縣林鼎

因舊址泐建中為廳事前勅書樓後鳴琴堂淳熙二年知縣

陳煥增建宣詔頒春二門構二亭於譙樓外紹定三年燬於

寇五年知縣趙性夫重建端平元年又燬嘉熙三年知縣陳

椿壽復建元至正三年知縣魏德潤秩官志載宋增脩至正

十年達魯花赤捏古栢脩建譙樓十七年達魯花赤馬合麻

秩官志載更今方向重建二十七年知縣朱鍵脩譙樓復建

樓署後未就明洪武二年知縣趙榮祖繼成之建正堂之左

為幕廳右為架閣庫儀門外為譙樓置銅壺漏箭譙樓前之

東西爲申明旌善二亭甬道之中爲戒石亭左爲土地祠三
十一年正堂圯永樂五年知縣程鵬重建小廳後建小堂七
年譙樓圯移更漏於儀門壺漏廢天順二年知縣李昊拓正
堂建譙樓教授陳義安記成化九年知縣章濟鼎新之改後
樓爲後堂建解舍宏治六年知縣陳熙改庫於堂左右爲典
史廳正德四年知縣余成重建前後堂脩縣丞廳改主簿解
爲典史廳重脩譙樓嘉靖十二年知縣陳瀛重建監房及土
地祠十八年知縣胡寅命重脩正堂及後堂公廨二十八年
縣丞鄒士能重建土地祠各吏舍在縣署右三十三年知縣
湯相重脩萬曆八年卷房燬九年知縣曹允儒重建移進儀

門譙樓二丈許躬建龍亭庫寅賓館總鋪

國朝順治初叛將勾引粵寇盤踞摧折殆盡順治十年知縣王
有容脩建營葺闢舊址重建後樓匾曰望耕旣而譙樓及署
屋傾頽吏舍崩塌康熙二十五年知縣江藻次第脩葺更造
乾隆元年知州張廷球重脩正堂二堂大門儀門增高龍亭
庫易大門匾曰龍巖州繪一州兩邑輿圖於正堂之屏立清
慎勤官箴匾以自警添設架閣科編派房於堂右內署西偏
擴建小廳三間匾曰浸月軒又改建書室四間於其右嘉慶
四年望耕樓燬署州延青雲重建道光十二年知州彭衍堂
重脩譙樓十五年重脩大堂

州同署 在萬安里溪口社卽移駐縣丞原署

吏目廨 在正堂西偏卽舊主簿廨後為典史廨今為吏目廨
乾隆二年吏目賞鑛重脩嘉慶二十四年吏目陶亦

安重脩

鴈石巡檢司 舊在雁石嶺明正統間移設解林
口後衙署廢雍正九年移駐適中

學正廨 在今明倫堂後左
知州嘉謨改建

訓導廨 在今明倫堂後右
知州嘉謨改建

陰陽學 在申明亭
之次今廢

醫學 在旌善亭
之次今廢

僧會司 在報恩寺
東今廢

道會司 在東嶽觀
右今廢

龍巖州志 卷二 規建志

原設縣丞廨 在正堂東偏雍正九年縣丞移駐溪口十三年
知州張廷球承造 學院公署基狹折空廨而

益之

東西洋巡檢司 分設寧洋
裁署廢

適中驛 在龍門里後驛署廢雍正九年
驛丞裁汰驛務歸縣今歸州

漳平縣署在城南中為正堂左為庫藏為贊政廳右為架閣庫

為龍亭庫後為川堂為後堂為內衙為後樓後堂之右為書

軒正堂之旁翼為六房前為露臺為甬道為戒石亭為儀門

為譙樓儀門之左右為甬門甬門之右為監獄儀門外左為

土地祠右為延賓館土地祠之右為典史衙延賓館之前為

縣鋪明成化間知縣陳粟奏准創建正德間知縣汪淳建旌

善申明二亭於譙樓前左右嘉靖三年知縣施信重修五年
正堂壞知縣王椿脩十七年內解做知縣秦文昂脩而增拓
之二十七年譙樓壞署縣朱召脩隆慶五年知縣章述重建
譙樓鑄鐘萬曆二十八年知縣施孔儉方大興作未卒事而
去知縣劉懷望成之三十八年知縣傅文勛重脩正堂
國朝康熙五年知縣鄭琬脩贊政廳及六房十二年知縣趙震
陽重建後樓二十年内解壞知縣查繼純脩後移龍亭於
關帝廟乾隆二年知縣傅維祖移奉於龍門書院有記正堂
年久將傾傅維祖詳請重建二十六年知縣傅國勳脩道光
九年知縣蔡世鉞脩正堂至儀門譙樓

龍巖州志 卷二

規建志

典史廨 在儀門外
土地祠右

溪南巡檢司 在感化里後
巡檢裁署廢

歸化巡檢司 在永福里康熙二
年巡檢裁署廢

教諭廨 在明倫
堂後

訓導廨 在學
宮後

陰陽學 在旌善亭
後今廢

醫學 在陰陽學
左今廢

僧會司 在三
公廟

道會司 在高
明寺

寧洋縣署建於隆慶元年正堂凡五間中為牧愛堂左為贊政

廳而典史廨則國之左堂右為架閣庫而頂備倉則庫之右也堂後為川堂匾曰鳴琴又後為內衙正堂之旁翼為六房前為甬道為戒石亭為儀門左右為而門儀門外左為土地祠為申明亭旌善亭右為監獄前為大門上即譙樓門外左為陰陽學右為醫學中為屏牆皆海道周賢宣畫地知縣董良佐初建萬曆三年知縣鄧于蕃從而改闢之十四年知縣陳德言於縣前兩旁設坊門二左曰一方民社右曰百里絃歌三十二年知縣向德象加造後樓改土地祠為賓賓館國朝順治十一年大堂以外燬於寇十二年知縣蕭亮脩葺大堂重建六房儀門大門譙樓縣前兩傍坊地造木柵康熙二十八年知縣沈荃脩川堂贊政廳又脩後樓并復甘露井梅花居舊蹟

龍巖州志 卷二

規建志

十

典史廨 在幕廳左

教諭訓導廨 寇亂後圯順治十四年教諭張豐玉捐脩教諭改訓導今為訓導廨

陰陽學 在申明亭左今廢

醫學 在旌善亭右今廢

行署

龍巖州

布政分司署 在州治左明成化十一年知縣韋濟建嘉靖間知縣胡景華重建後廢基址今建造學院衙門

漳南道署 在布政分司左舊為肅政廉訪司明成化間改漳南道知縣韋濟重建兵燬順治間知縣王有容脩

尋坵今址併
建學院衙門

府館在城隍廟左明成化間知縣章濟建宏治間知縣陳瀛
建嘉靖間知縣湯相濟萬曆間知縣吳守忠重脩崇禎
間知縣楊開泰改為瀛龍書院後廢康熙二
十五年知縣江藻於故址重建新羅書院

漳平縣

布政分司署

在縣治東南明成化七年知縣陳栗建主
簿楊鎮脩署縣漳浦主簿朱召脩今廢

漳南道署

在縣治東南明知縣陳栗建署
縣漳浦主簿朱召重建今廢

府館

在布政分司右知
縣魏文瑞建今廢

寧洋縣

布政分司署

在城隍廟右隆慶元年建萬曆六年知縣鄧于
蕃移建於廟左改為府館康熙三十年知縣沈

荃重脩
今廢

試院

國朝雍正十二年升龍巖縣為直隸州學院歲科考試生童視
府例檄下議建公署文場前知縣劉彤估計請

帑核實動支銀一千一百三十兩有奇十三年知州張廷球

蒞任加捐倡建因州治東偏舊有布政分司漳南道行署空

基二所益以縣丞空署庀材鳩工中建大堂三間左右次間

為書房又左右各三間為內班房堂階下為東西文場前為

儀門又前為大門大門外為東西轅門鼓亭旗竿南為屏牆

左右為號房班房西轅門外為官廳

今在東
轅門外

為供給所大堂

後為宅門門內大樓五間樓後平房從屋共十七間歷階而

進則爲衡文處大房五間左右翼以廂房自內至外巍煥堅固規模甲於他郡經始於雍正十三年十二月落成於乾隆元年十一月督學周學健州紳李其昌并有記嘉慶七年督學恩曾准巖平寧州試移在考棚永爲定例時知州承炷於東轅門外添造長廊爲應試士子憇息道光十年漳平貢生黃裳倡設篋棚每逢試期於轅內搭蓋俾士子於聽點時無風雨之患復捐田租十籬爲遞年脩蓋之費道光十五年後樓燬知州彭衍堂創捐議修十六年署州張汝敦踵成之外場公館

正廳三楹左右廂房各一門樓一竊以垣在社稷壇右乾隆元

年知州張廷球爲學院考較武生童騎射建

附載 恩憲批准州試移在考棚碑文

爲永遠遵行事嘉慶七年十月丙奉

督學部院恩憲批據龍巖州屬廩生郭聯峯等呈請懇恩批示准永爲定例事緣龍巖州舊漳屬邑考棚未建縣試恆在縣衙迨改邑爲州考棚已成州試猶仍州署其事甚繁其費亦重幸逢州主承俯恤羣儒曲體寒士今歲州試俱在考棚既免搬運棹櫂之煩更省措置租稅之費一州戴德兩邑蒙庥切事貴圖先勸期善後考棚校士事便地宜省費刪繁規良法美但恐日久變遷難垂永久乞准批示永著爲例不惟當今桃李盡荷栽培卽至後代梗楠亦沾雨露矣據此查該州州考既經該州牧在棚考試一州兩縣士子稱便嗣後州考統應在考棚內考試著爲定例永遠遵行不必改易仰龍巖州備案可也等因奉此今將憲批頒示勒石永爲遵行

學宮

龍巖州學卽舊縣學也在治西唐時無攷宋皇祐初始建於縣

治東在地藏報恩二寺之間尋遷於南通環橋東或曰近南
壇今俗謂鬻門前基址階級猶存大觀間知縣石復以其地
卑溼仍遷於縣東舊所建炎二年戊申知縣方世功以學地
左虛右實復移於東門外寬平之處淳熙間縣丞李永曾秘
相繼營建朱文公記開禧二年邑人葉琇卿又以地勢逼險
請於知縣趙汝勉改建今所卽舊駐車驛淳祐六年重脩元
至元十六年燬於兵二十四年重建大德三年知縣李瑀拓
而大之旁立朱文公祠郭廷焯記至正十六年鎮漳新翼萬
戶羅良下檄脩治明年知縣趙昱踵成之徐觀記明洪武二
十九年知縣吳子昇重脩三十五年又塞後巷以避牽射宣

德四年知縣胡晟重塑 聖賢像王源記正統九年僉事陳
祚盛脩廟學移明倫堂退後凡六丈闢道義門於 文廟右
王源記成化十年知縣韋濟改明倫堂及教解於廟西作泮
池易櫺星門以石建泮宮坊陳音記十八年知縣陶博重脩
宏治十七年知縣黃廷圭建應奎樓於東垣蘇總記正德六
年漳南道胡璉檄知縣余成復移明倫堂於殿後林俊記嘉
靖十一年知縣陳瀛改建門路闢櫺星門直前爲甬道移泮
宮坊於道前匾曰教化本源嘉靖三十四年知縣湯相重建
更子午爲壬丙闢廣門庭十餘丈庭左建坊匾曰雲程萬里
內匾曰宮牆數仞鄭漳記萬曆十五年知縣吳守忠改樂英

堂爲顧爲齋建穿堂築明倫堂層階自爲記闢門路直達通衢開前右二巷崇禎丁丑知縣鄧蕃錫重修明倫堂王命濬記尋因國初叛將勾引廣賊札營於中縱兵汙燬明倫堂傾圮大半順治十年知縣王有容捐俸重建康熙二十年教諭陳正朔率庠生石大成等重新殿宇堂廊改儀門知縣左峴記康熙二十五年知縣江藻重修聖賢像四十六年雷震學宮梁柱傾圮知縣王如岳教諭蔡時升訓導陳啟祖捐俸倡庠士題助重修並重裝聖賢各像雍正七年知縣萬物覲脩櫺星門十三年知州張廷球莅任倡捐重修舊制泮池在櫺星門內周圍僅數十武櫺星門逼民居外無餘址乃

移進於泮池後鑿泮池而大之廣九丈袤三丈四尺疏秀水溝引西城龍川之水注之繚以宮牆石欄徙省牲所於宮門外左隅移建文昌閣於學宮之左督學周學健有記而宮牆外仍爲民居所蔽乃折官民房共九間於是學宮明堂軒

做整齊獲觀離明之象

左有官房四間賃於民已折去其右選貢楊際會等公店一所呈請充學

乃畫射圃餘地折而徙之貢生楊文煥店房一間以明邑人訓導連瓚充學公用一小店易以折焉生員蔣隆穎店一間早有充學議未及行而歿其子貢生蔣羽儀等呈請拆卸不願取償以成父志又民人陳學遜等祠屋一所願請射圃餘地對換官給贖金五十佐其徙費又故民蘇獻鳴妻陳氏店房一所呈請折讓亦以公店一間易之又生監邱天佑邱天士以父例貢邱鈺遺命充遺金五十將空基概築灰坪并脩崇聖祠時董事紳衿係原訓導吳炬生監吳卓連濬發邱鳳翥黃應鉉倪瑞蔣學俊魏位光翁應球林中枕王大俊李其曇邱日升蘇文彥蔡琢玉吳塏林士桓楊夢斗蔣璜邱天

佑連徵鳳其餘捐金姓氏不及備載二十七年知州嘉謨仍移櫺星門於泮池

之南池架環橋三座大成殿視舊進深七丈高四丈五尺

階陞簷牙悉更其制殿後明倫堂中三間改為崇聖殿餘

二間為祭器樂器庫堂後舊殿為聖宮供奉諸像加築繚

垣以遠褻狎移建明倫堂於西偏訓導署址向之節孝祠為

神廚庫東南隅隙地為省牲亭所其訓導署就學正廨舍更

而兩之越歲告成督學紀昀有記嘉慶十二年署州徐憲文

倡捐重脩知州郭正誼有記二十年知州劉作明倡脩大

成殿自為記俱載藝文殿中恭懸康熙二十四年

聖祖仁皇帝御書萬世師表匾雍正二年

龍巖州志

卷二

規建志

十五

世宗憲皇帝御書生民未有匾乾隆二年

高宗純皇帝御書與天地參匾嘉慶六年

仁宗睿皇帝御書聖集大成匾道光二年頒發

御書聖協時中匾並康熙二十五年

聖祖仁皇帝御製先師四配贊碑立於廟門內詳學校

崇聖殿在大成殿後原在敬一亭後萬曆四十年教諭程斌以祠不宜列於廟旁改於明倫堂後顧為齋舊為啟聖祠

雍正元年追封五代易今名乾隆三年邱天佑以父邱鈺遺金捐脩二十三年知州嘉謨移建今所乾隆四十九年

知州瑚圖靈阿脩嘉慶十三年重脩

追封五代王爵碑在崇聖殿左

神廚庫在尊經閣前知州嘉謨移建

祭器庫 在崇聖殿左

樂器庫 在崇聖殿右

省牲所 在宮門外左

敬一亭 在泮池右後改建文公祠

明倫堂 在學宮右知州嘉謨移建嘉慶十三年脩

尊經閣 在崇聖殿左上奉文昌帝君神像

文昌閣 明宏治間知縣黃廷圭建於學宮東北舊名應奎樓圯國朝康熙間給士等釀金移建學宮之右雍正六年

知縣萬物觀徒於麒麟山麓十三年知州張廷球移建學宮之左撥舊祠守者日食田租八大籬

射圃 左尊經閣後明成化間知縣韋濟建後廢國朝道光三年署州麥祥乃即其址建觀德亭有記

觀德亭 詳見射圃

龍巖州志

卷二

規建志

學倉 舊址在射圃久廢

學田 坐落龍門里上坪等處原田壹百二十七畝有奇租穀二百餘石舊為豪家侵沒乾隆三年佃戶許陞知州張

廷球查出歸公詳立檔案

附載 查得龍巖學田相傳宋代龍門里上坪蕭謝氏所輸以供持祀既歷滄桑遂為豪家隱佔明正統甲子訓

導張旭悉其疆畝白其事於分巡道陳力為根究復原田壹百貳拾柒畝有奇租穀貳百餘石每年折輸米陸拾肆

以供祭養士漳紳僉事汪凱有碑記後因糧在陳林謝戶仍為三姓霸耕踞為世業萬曆七年丈量獎將此田以一

畝五分折算一畝僅作田八十二畝至國朝順治十五年又藉軍需繁重為齟除納糧外每年折納租銀九兩八

錢九釐經前督部院姚達部具題撥給廩餼即今歷年解司撥給廩生社師造報奏銷之學租也官斯土者無藉

可稽不能顧問卑職不揣謏劣擬創州志搜檢舊文始悉其由然無緒可查不敢率擾本年四月學佃林芳藹與林

篤翁爭圳許告庭剖之下究其著實供明原田現存盡皆映產併各佃姓名喚查問據各佃林萬陳榮謝光等連

名呈首情願承佃認租每原田一畝納租穀民斗一石五斗推釋出戶歸官出具承佃在案查此田初設原供祭祀今辨祭現動綱銀無須此項若贍給貧生又有別項學租足用無庸附益惟開州後奉建學院衙署文場公費不敷紳衿公捐千有餘金尅期報竣規模可觀但堂房號舍間架頗多務必隨時脩理若閱二三年不脩定見坍塌所費無出今幸查此公租除水流缺額外共計民斗一百七十六石有奇折實官斛一百四十一石九斗五升零每年應完田糧八十二畝該銀八兩零又應批解原額學租銀九兩八錢九釐零約計市銀平錢需銀二十一兩有奇酌計平價請撥租穀官斛五十移交儒學收租變價完納糧餉照例批解原額學租以符奏款外每年收官斛租穀九十脩理試院文場造册報銷官更照例交代則脩費有資州縣俱免賠累矣又查賓興大典例有起送花紅酒席巖州向無公費舊例闡期貢監文武生員呈請舉行地方官捐備花紅酒菓餞送又每期送銀一錠番銀三員以取一定三元之兆亦有并此而吝之者殊失士心嗣後似應照他府州縣之例設席餞送以光典禮并歲科新進儒童送學花紅酒菓並請於此項內支用核實附册報銷總合印官

親為經理不使胥役侵漁似此則以學校之公租仍為造士之公用試院可以常新典禮不致終廢租穀免使虛糜

豪強永杜侵匿等情通詳各憲批准勒石

又雁石小池社納穀鄉斗三十斗又白土社租穀銀八錢又雍正八年漳州府楊一正通詳批罰例貢羅起鳳銀壹

百兩將自典雁石下孟暗坑田一段充數契存州學給貧士收租納糧又知州張廷球撥租十六桶

捐充各項田產

康熙十九年鄉紳陳邦耀充蘇坂田租三十二石零為八月二十七日

聖誕二月十八日

聖忌備牲醴致祭餘為脩葺宮費知州劉夢驥為立碑記

又康熙四年生員邱彛充東山尾賽仔角田五畝四分原租二十大籬為文廟香燈之資給與殿夫收租供事今只

收租十四籬五分

又前明連瓚充學前武安店六間年收稅銀捌兩陸錢為香燈費續因重脩學宮將店換折二間恢拓泮牆詳見學宮

分註

附載

至聖先師垂教萬世每歲春秋各府州縣欽奉 定例祀以王禮
由來久矣獨於八月二十七日

聖誕二月十八日
聖忌未著定典康熙十九年都閩陳君邦耀慨然念之將所置蘇

坂田三十餘畝載租三百二十斗載米一石九斗九升供
糧銀一兩一錢九分五釐零充入 文廟為每年誕忌兩

辰備辦猪羊牲醴香燭菓帛之資餘為脩葺費康熙二十
三年經學詳憲達部奉文入閩省通志迄今兩辰典禮燦

然具舉陳君力也其敢忘
所自爰為記而鐫諸石

社田

康熙二十二年總督姚啟聖捐俸頒行通省儒學置產
贍給貧生發龍巖學銀五十兩買汶洋田租五十桶佃
戶連瑞侯又二十四年知縣左峴捐銀三十兩買羅橋田
租二十一桶佃戶陳郁文以上二項田租現在社師八位

收分

脩濬秀水溝田

一段坐落小池社載租十二籬半一段坐落
外山道子崙并礫邊田二段四畝零載早租

龍巖州志

卷二

規建志

六

七籬一段坐落後營邱家樓仔厝後頭左角載早晚租一
十二籬以上三段為遞年脩濬秀水溝費學正粘繼任有

記載在
藝文

鄉會義田

坐落西山大洋安坑等處乾隆三十三年監生郭
頌亭子姪呈請捐充知州郭世勳申詳並勒碑記

附載

龍巖古新羅邑也地勢曠爽民物殷阜樂善好施代
有其人而賓興造士以及公車資斧之助未有首倡

者巖地距省千里有奇抵京幾萬里山路崎嶇關河綿邈
都人士有志觀光而困於行李維艱余來牧斯土以賓興

育才王政大端而鼓鬣揚馨端賴好義者流為多士奮龍
門也戊子季冬監生郭元俊仝姪貢生郭琇體乃父監生

郭頌亭未竟之志前後呈充義田為州學鄉會資斧之助
田以畝登得額一十有四租以籬記得穀一百零五閩州

紳士懽欣愛慕以為惠溢士林義光鬢序自此一倡羣和
將同心斷金聚腋為裘而彬彬濟濟不更快題橋之志哉

余嘉郭生之義爰勒石以垂永久按後列田段載租得八
十七籬記云一百零五恐誤 一段坐落西山郭厝隴原

田四畝大小五坵載風淨早晚租穀二十四大籬 一段
坐落大洋相樹壠原田二畝零大小三坵并禾埕年載風

坐落大洋相樹壠原田二畝零大小三坵并禾埕年載風

淨早晚租穀二十三畝
畝零年載風淨早租共四十大籬
一段坐落安坑等處計田八
士將公存餘銀買得劉介爾捐充脩
文廟田一段載租
二十四籬
又道光十五年貢生蘇冠輝呈請捐充石粉
嶺田畝數段共載租壹百叁拾壹籬四分
以上總共二
百四十二籬四分其租收成之日照時價現錢發糶將錢
貯店行利一分同鹽館租銀
俱於鄉會試年按名分給

卷資義田

劉廷球充西山大洋田一段原租
九大籬院試諸生卷資動支此項

鄉會盤費館租

學門左首房屋一座坐北向南內一廳二房
東西兩廂後枕一落夾門左右帶店二口貨
水客開張鹽課遞年得稅銀八十兩清廣將銀存店利一
分行此條並義田租額每逢鄉會屆期貼助文武應試盤
費如未到期到京者不得混領○又井尾吳華新戶充銀
三兩小洋魏邦教充銀一員其的派子孫應試者准其一
體給
領

附載學正陳成碑記

巖州學前左首係通庠公換有溫姓
民屋一座坐北向南內一廳二房東

龍巖州志

卷二

規建志

十九

西兩廂後枕一落夾門左右帶店二口後左隔界唐王廟
右毗儒學門路前臨大街因前教諭王混帖批給經通庠
翁登五連雲鸚翁兆蘭章程獻蔣璜張青芝侯銓州同翁
瓚等公呈請理余時兼署司訓承准本州送查擬令通庠
捐價向贖牒允茲奉學憲據照州詳批給已歸通庠掌管
暫賃水客開張鹽課遞年計得租銀八十兩清廣諸生向
余而請曰公項必須公費吾師何以處諸余曰巖地僻處
山陬去省會較遠赴試者往返艱於資斧余思會闈大比
朝廷尚有恩給盤費之典子鐸斯土常欲鼓勵多士仰副
聖天子進賢之心今擬此屋租積收三年每逢鄉試貼助文武貢
監正科錄遺應試盤費如未到省者縱科案前列不得混
領至會試往京之文舉人擬共贖銀四十八兩武舉人共
銀十八兩雖幫貼無幾而諸生得所獎勵競樂觀光亦足
為拔茅彙征之一助也其掌理收稅每逢秋祭習儀之日
通庠公舉殷實廩增附三位次年三年照例僉舉約共九
位以董其事其銀每兩每月以一分進利於科年五月內
九位彙齊以便帶至省會按名給發不得侵吞銷耗誠為
永久良法余秉鐸者無容操理以杜覬覦更為善策時諸
生環揖而言曰斯舉至公至美俾合庠永沐其光生等懽
守而遵之不敢有負作育之心也爰勒敘以垂不朽

附載知州承炷准批廩銀抵完錢糧碑記為給領廩膳銀懇抵徵銀以歸

簡便以廣

皇仁事嘉慶五年十月二十日據州學廩生等具稟前來詞稱竊以廩膳為朝廷作養之宏恩徵銀亦士子輸將之急務本年正月遵奉憲文恭釋

上諭接准行知所有各官養廉及教職俸齋廩膳等項銀兩均應遵照舊例自本年春為始歸各州縣於徵收地丁耗羨內分別坐支以免往返價腳之費等因

皇仁憲德咸頌靡涯業經遵照在案但生等或家居僻隅或舌耕遠地赴領維艱生等再四思維各廩生內既有應領之廩膳亦有應完之徵銀現奉憲檄在於地丁錢糧坐支似可於地丁錢糧內扣抵理合憑情呈請統計一年四季將生等每名應領廩膳銀兩備造清冊轉詳州憲俯准撥歸各生花戶名下應完錢糧並耗羨等項照數扣足抵完給發串票行學給領以免迫征俾安學業實為兩便伏乞據情申詳批准立案俾得遵循栽培多士奕世沾恩等情到學據此卑職查得各生廩膳銀兩統計一年四季現奉憲檄於地丁錢糧耗羨內坐支既據各生呈明願將該生等應領廩膳銀兩撥歸各生花戶名下應完徵銀並耗羨等項

龍巖州志

卷二

規建志

三

照數扣足抵完似屬簡便理合據情詳請憲臺察核批示如蒙允准自明年春為始卑職飭令各廩生將應領廩膳銀兩每名逐一分開按照月日應領廩膳若干並各生花戶名下應完錢糧若干開名照數扣足備造清冊應領一全申詳電核給發串票行學給領實為德便為此備由另冊具申伏乞照詳施行須至申者蒙龍巖州正堂承批查此案據廩生等具呈批飭該學查造各生應領廩膳額數清冊送核扣抵在案仰即如詳查明廩額確數造冊送核扣抵給串繳奉此合將詳批勒石以垂久遠

漳平學宮在縣泊右中為大成殿左右為兩廡於兩廡之下

為神廚為神庫其前為戟門為櫺星門櫺星門內為泮池其

右為省牲所其左為儒學旁門廟後為明倫堂左右為東西

廊前為儀門為大門東廊之後為膳堂為號房凡二十四間

堂後稍右為大會堂凡五間為教諭廨大會堂西偏為西齋

訓導解也其創建自成化七年同知蔣濬知縣陳粟始正德五年知縣汪淳重建明倫堂七年重建 文廟嘉靖元年署縣照磨傅華脩櫺星門易以石柱二年兩廡壞署縣經歷沈松主簿周全相繼脩二十六年東齋兩廡及號舍壞署縣主簿朱召修隆慶五年知縣章述脩萬曆五年知縣陳所志脩三十四年災三十七年知縣傅文勛重建始移 文廟於明倫堂之右四十六年知縣彭坡脩崇禎十一年教諭何九雲建祭庫於廟之右封藏 聖賢遺像於廟之左築亭以蓋之國朝康熙十一年知縣趙震揚改泮池於櫺星門內後堂廟傾圮二十二年知縣查繼純督學丁公各捐俸興建查尋解任

龍巖州志

卷二

規建志

三

二十三年知縣楊于蕃踵成之雍正三年知縣陸述宣率紳士公捐重修乾隆二十九年教諭鄭良翰復倡捐公脩嘉慶十九年署訓導林一聲題捐公脩有碑記二十三年大風雨

圍牆一帶盡行傾倒教諭林得震倡捐重修查明成化二年初開邑議擇今

所建學里人石顯願將祖祠移於西門內以此地建學衆稱義舉至今春秋二丁分胙於其後裔並免雜派以誌弗忘

廟堂匾額祭器樂器舞器暨臥碑位置與州同

崇聖祠在明倫堂後

敬一亭在文廟東嘉靖九年知縣陳世俊建崇禎十一年教諭何九雲封藏聖像於此亭遂廢今 文廟已鼎

建其地仍前為敬一亭

射圃 在大會堂左

應奎八角樓 在城內下水門

學倉 在西齋後今廢

學田 一居仁里羅坡牛皮林田二畝四釐零康熙十二年約納實租十八斗〇一居仁里東坑下河尾田載租二十

四籬康熙六年約除納米外年納實租十二籬〇一居仁里員林坪田一畝七分二釐零載租十二籬教諭何九雲

置贍給貧生〇一居仁里員林坪田一畝四釐零原租十

六斗因山崩壓止納十二斗經知縣鄭琬判令原佃陳參

領回除納米外年納實租七大斗〇一感化里象湖田載

租銀二兩〇一桂林坂一帶店地知縣傅文勛割隸於學

為諸生課業之資其租隨店之多寡〇一總督部院姚啟

聖於康熙二十二年通省儒學各捐俸置贍給貧生田發

漳平學銀五十兩買陳雷聲陳長瑞朱德若田三段大小

十三坵共民岩田九畝二分六釐零載民米三斗五升九

合九勺又載岩米二斗四升零年納租穀二百六十四斗

官照縣例該四十四籬正〇一知縣查繼純捐銀十五兩

龍巖州志

卷二

規建志

三

買田一段共三坵坐址東門外福田鄧厝境上載岩米二
斗一升正原載租穀照縣例十五羅今實收十二籬正〇
一李公祠邊店二間載稅銀一兩二錢為本祠香燈之資
〇一青雲橋路右邊店地一間稅銀六錢〇一學口店八
間稅銀四兩〇一下巷坂仔頭店一間載稅一兩二錢教
諭何九雲置為春秋二丁祭 布衣祠用〇一北門店並
樓四間載稅銀若干教諭蔡承錫置為冬至祝壽禮生
員麪酒之需後樓傾圮變價置田十二斗嘉慶二十三年
教諭林得震起耕別換田段加穀四
斗共十六斗配糧存案以給禮生

寧洋縣學宮明隆慶三年知縣董良佐相地於縣治之西南隅

建立 大成殿兩廡戟門泮池 啟聖祠明倫堂及號舍教

諭訓導二解規制稍備萬曆六年知縣鄧于蕃以自縣而西

自學而東其間尚有徑路居民雜處議請改建割學羨地易

民居移 文廟於縣西移明倫堂於廟西移 啟聖祠於廟

後東西廡各四楹戟門左右為名宦鄉賢祠東為省牲所土地祠西即明倫堂之號舍櫺星門更為高敞明倫堂左右翼各增二楹為神厨祭器庫廨舍亦稍移於明倫堂之西十八年知縣宋煉見兩翼促露市椽衝射隨作坊表儀門七楹以聯左右翼而方之有碑記

國朝順治十一年寇燬殆盡十二年知縣蕭亮重建 大成殿主事張居昌記十八年又重建明倫堂甲寅後殿廡復圯康熙十八年知縣王時泰重建兩廡二十九年知縣沈荃重修廟堂四十一年署縣事汀州府同知范大成脩五十二年宮牆圯知縣王登賢重築改櫺星門紅牆增高三尺泮池築深

龍巖州志

卷二

規建志

三

三尺又脩明倫堂及東西兩齋雍正三年知縣張宗仁脩十三年知縣黃靖世脩重建櫺星門乾隆五十一年知縣胡興贊倡脩 大成殿庠生吳溢捐金助工

廟堂匾額祭器樂器舞器暨臥碑位置與州同

崇聖祠在文廟後

奎星閣在城南二里許乾隆二十八年知縣孫似茗捐俸倡建置祀田山場以垂永久

尊經閣在明倫堂後萬曆戊申教諭張與進倡諸生鳩金鼎建有記

射圃在文廟後康熙二十八年知縣沈荃開設

學田原田一十八畝七分八釐在西坑馬家山等處歷年折租銀七兩一錢五分三釐內除扣納糧外實徵銀五兩

八錢歲久迷失今只存赤水坑南壇口石寮嶺堦四處年徵銀三兩七錢〇一崇禎壬午年鄉椽蘇文龍將西門外

魚池三口充學年徵池稅銀一兩通庠議充文昌宮香燈之資○一康熙二十一年總督姚啟聖捐銀四十兩買溪口拱橋頭田一百束孟坪上洋田七十束計共八畝五分○又知縣王時泰捐銀十五兩買謝田竹林坂田五十畝計二畝永為學田學中立碑記○知縣許祚遠莅任六載惠政愛民康熙五十一年內陞士民投匱以助資斧祚遠卻不受命紳衿耆老置產為士子賓興之費名曰興賢庄

壇廟

龍巖州

社稷壇

在城西北永寧門外壇所廣六畝許壇位北面壇四方廣二丈五尺高三尺四面為陛各三級壇上立石主一祭時設神牌各一宋元舊址在治西北明洪武十三年知縣趙榮祖重建成化八年知縣韋濟以其地建千戶所署遷建今所嘉靖三十六年知縣湯相重建旁有齋宿宰牲之所乾隆三年知州張廷球脩

風雲雷雨山川壇

在南門外壇位面南高廣如社稷壇制祭時設神牌三中風雲雷雨之神左本境內山川之神右本境城隍之神洪武三年知縣趙榮祖建成化八年知縣韋濟嘉靖年間知縣湯相俱脩乾隆三年知州張廷球重脩

重脩

先農壇

在東門外長春亭壇南向雍正四年奉旨建六年知縣萬物觀領帑築壇建祠壇壞乾隆三年知州張廷球脩道光二年署州呂志恆重脩

重脩

附載籍田

四畝九分坐落平在坊大字區地名桃花坂附近壇所

文昌廟

嘉慶六年奉部文崇祀帝君春秋致祭動編綱銀一十六兩知州承姓以原廟淺狹詳請移祀於尊經閣然規制未合現在籌議捐建

關帝廟

在州南門內清高山建造年分無攷乾隆三年知州張廷球重脩僧住持看守於流交溢額寺租三十二石

內撥租十二石給為飯食
道光二年燬四年重建

三公殿 在廟後供關帝祖考三代神牌原房低小幽暗不能設祭乾隆二年知州張廷球捐金建廳三間匾曰三

殿公

天后宮 在城外西南龍川上嘉慶二十一年重修

積慶宮 在嘉慶二十一年建

城隍廟 在州治東明成化八年知縣韋濟脩十八年知縣陶博脩邑人蔣輔記嘉靖十八年知縣胡寅命脩萬曆十五年知縣吳守忠重建康熙八年知縣杜雲禎脩乾隆二十二年知州嘉謨捐脩嘉慶十二年署州徐憲文倡捐重修

厲壇 在永寧門外社稷壇西南向舊在治之西北成化八年知縣韋濟遷建今所嘉靖三十六年知縣湯相重脩有脩三壇記嘉慶十三年重脩

鄉社壇 明洪武九年節惠等里各置壇一所後廢

龍巖州志

卷二

規建志

五

鄉薦壇 明洪武二十四年節惠等里各置壇一所俱廢惟節惠壇所猶存在雁石渡頭尚可復脩

漳平縣

社稷壇 在縣西門外成化七年知縣陳粟建康熙二十一年知縣查繼純重脩壇制與州同

風雲雷雨山川壇 在縣東門外舊址樺林成化七年知縣陳粟建後以水漲難渡改建於東山上又以路遠

改建今所其制與州同

先農壇 在縣東門外雍正五年知縣呂國祐領帑築建

附載 耕田四畝九分坐落居仁里遂林坂

文昌廟 在學宮辰位乾隆二年知縣傅維祖移建於東山後又移建於西門外坂頭鄉年久傾圮嘉慶四年重建攷諭

粘繼任有記

關帝廟 在縣東門內嘉靖三十一年知縣劉鑄建乾隆二年知縣傅維祖重脩嘉慶四年知縣徐汝瀾重建十二年知

縣蔣式增重脩道光八年署縣舒芳阿重脩

天后宮

一在縣東門外康熙五十九年知縣蕭震建
一在浮橋東乾隆四十二年知縣劉嘉會建

城隍廟

在縣治東成化八年知縣陳粟建正德九年知縣汪淳
重建康熙二十二年知縣查繼純重脩雍正十三年署

知縣呂鍾琇倡脩嘉慶二十四年知縣
葉德芳重新右旁復建公館有碑記

厲壇

在縣城之北成化
七年知縣陳粟建

寧洋縣

社稷壇

舊在縣西門外隔溪萬曆三年知縣
鄧于蕃改移城南麒麟山制與州同

風雲雷雨山川壇

在縣東門外麒麟山制與州同

先農壇

在縣東門外坐東向西雍正
四年署縣申茂領帑建築

附載藉田

四畝九分坐落附近壇所

龍巖州志

卷二

規建志

三

文昌廟

原祀於南門外社學樓上明萬曆三十年教諭章陽率
諸生捐建於水尾寨山後燬國朝知縣蕭亮改建舊

府館地知縣沈荃重脩清祀田康熙六十年知縣王夢賢
重建年久傾圮嘉慶三年移文昌神像於雙洋書院十

七年知縣張于恭架城樓於奎星閣之右奉祀帝君

關帝廟

在縣東門內建造年分無攷嘉
慶十三年知縣張于恭重建

天后宮

舊立神位於祝聖寺雍正十三年知縣黃靖世捐俸倡
率建廟於城西河岸乾隆二十八年知縣孫似茗重建

城隍廟

在縣治西隆慶間建順治十八年知縣蕭亮重脩康熙
二十二年知縣沈荃倡捐重建五十二年知縣王登賢

脩雍正九年營兵李連賽愿失火焚燬申詳漳州府
批連出銀一百三十兩餘係知縣黃靖世倡捐重建

厲壇

舊在縣北門外萬曆十五年知縣陳德言收
建西門外申為壇繚以垣外設坊門以表之

鄉厲壇

在縣後埔坪申明亭右洪武
二十四年原設今廢址猶存

各祠

龍巖州

雙龍祠 在龍巖洞口崇禎十年知縣鄧藩錫建寇燬順治十年知縣王有容捐俸脩乾隆三年知州張廷球重脩嘉慶

劉作明重脩

朱文公祠

原在學宮右明知縣胡景華改建於龍巖洞前萬曆七年知縣馬章遷南郭四十年教諭程棡申詳仍

建祠於學宮右生員楊士茂脩乾隆三年茂第童生楊雲飄茂子監生楊應春重脩嘉慶十三年重脩

文信公祠

原在學宮右與文公祠並後廢明知縣吳守忠復祀於龍巖洞前繼遷南門又遷文公祠右旋圯雍正十

三年知縣劉彤重建嘉慶十三年重脩

三賢祠

在龍宮後明知縣鄧藩錫建祀朱文公文信公國朝知縣左峴以新建伯王文成同祀乾隆三年知州張廷

脩球重

正學祠

在州治西北隅後山明萬曆三年邑人給事石應岳疏請建祠專祀布衣陳真晟先生

龍巖州志

卷二

規建志

三

名宦祠

舊在朱文公祠後明嘉靖四十三年知縣湯相建朝雍正元年漳州府同知陶文彬重建乾隆二十三年

知州嘉謨移建祠左嘉慶十三年重脩

鄉賢祠

舊在文信公祠後明嘉靖四十三年知縣湯相建朝雍正二年知縣張宣同賢裔重建乾隆二十三年知

州嘉謨移建祠右嘉慶十三年脩

忠義祠

舊在學宮之左與賢巷東向雍正二年知縣張宣領帑承造乾隆二十三年知州嘉謨移建名宦祠東偏嘉慶

十三年重脩

昭忠祠

在學宮左嘉慶八年知州承炷奉文建續

節孝祠

舊在忠義祠南雍正二年知縣張宣領帑承造乾隆二十二年知州嘉謨移建鄉賢祠西偏嘉慶十三年重脩

表忠祠

在州西西湖祀宋左翼軍統領崔亮亮熙州人從高宗渡江領兵戍漳州以討賊戰歿紹興中賜額順治十三

年重建補

漳平縣

朱文公祠

在東山雍正十三年署縣陶學植教諭蔡復旦訓導劉芳倡建汀漳龍道單德謨撰文為記

布衣祠

明崇禎間教諭何九雲建專祀布衣陳真晟舊志載在學宮後年久故跡莫尋牌位仍附於各宦祠道光二年

教諭林得震移建於明倫堂大門外左畔

勸忠祠

明嘉靖四十五年為死事知縣魏文瑞建原在三角坪後移東隅預備倉順治間倉廢權祀於防守李進才祠

中

名宦祠

在崇聖祠左明隆慶五年知縣章述建

鄉賢祠

在崇聖祠右明隆慶五年知縣章述建

忠義祠

在學宮後雍正二年知縣陳焯承建

節孝祠

在東門外雍正二年知縣陳焯承建乾隆四十二年知縣劉嘉會移建於學宮後道光九年貢生黃裳捐貲重

龍巖州志

卷二

三

脩

李公祠

在縣治東明士民為知縣李大年李希孟立順治間寇亂頹廢康熙初為防守李進才立生祠並魏公二李合

祀之

寧洋縣

魏公祠

在縣之員當地方即漳平知縣魏文瑞擊賊遇害之所萬曆七年知縣鄧于蕃建十年知縣楊繼時以沒官地

租辨春秋祭今祠已廢

名宦祠

在廟門左原毀未復即以魏公祠為名宦祠後廢外董

董良佐建萬曆六年知縣鄧于蕃增脩亂後傾圮康熙元

年知縣蕭亮鼎新更名功德祠以祀名宦甲寅後復壞三

鄉賢祠

在廟門右原毀乾隆三年知縣黃靖世重建

忠義祠 在學宮後雍正二年知縣張宗仁承造

節孝祠 在功德祠後雍正二年知縣張宗仁承造

街市

龍巖州

城郭長街一 自西關至東關橫亘州治在州前日宣化在學前日與文自南門至西門日甘泉日湧泉自西

門至西關日貢英日虎嶺自州左至東門日朝陽自東門至東關日節志日青紫其東門至東關下街道坊民黃源砌石有傳后車頭嶺崩十餘丈漳平鄉官陳茂惠妻蘇氏重脩

城郭短街五

武安街 在中井之北達守禦所

太和街 橫亘所前

永寧街 在所前以門名

黃巖街 南達武安

龍巖州志 卷二

規建志

三五

朝天街 南門外直下

巷二十四

水門巷 州前直下

白塔巷 報恩寺左

興賢巷 儒學左俗名學巷

下井巷 清高山右

上井巷 大對山南

東城巷 大對山東

坑頭巷 武安坊內

廖瀨巷 城西南隅

長樂巷 拱極門右

後山巷 拱極門左

爐下巷 南門外朝天街左

南車巷 爐下之北

登高巷 朝天街右

盧田巷 東門外

車頭巷 節志街北

大石巷 青紫街

樓下巷

和處巷

後田巷

東關巷

下巷

以上屬平在坊

西宮巷

西門外虎嶺之左

後河巷

虎嶺街右

中和巷

迎龍街右

市廛

州前坊市

自東門至南門

武安坊市

自西門至南門

所內坊市

在永寧門外

平在坊市

在東門外

溪南坊市

在龍津橋南

西門坊市

在西門外

墟場

龍門墟

在州西十里有街市每月逢一六為墟期商賈輻輳知州張廷球署州那散並於各墟場示禁流西

龍巖州志

卷二

規建志

三

土棍滋擾現在二帝廟刊有壁碑示後

雞鳴鎮

今廢

雁石墟

州東四十五里有街市逢三為墟期

松洋墟

在葛安里

溪口墟

在分州署邊有街市

上坪墟

州南六十里有街市逢三八為墟期

曹溪墟

在城西南五里有街市逢五十為墟期

白土墟

在城西南十五里有街市逢二七為墟期

小池墟

在城西三十里逢五十為期

大池墟

在城西四十五里逢二七為期

白沙墟 在城東八十里有街市溪河上通溪口下達漳平逢四九為期

漳平縣

城郭街十六

衙口街

學口街

城隍口

霞鳳街

江西街

三公前

葛角仔

大坪頭

石獅巷

中水門

窟仔尾

南門街

青雲街

三福坪 以上在城內

龍巖州志

卷二

規建志

三角街

松光嶺 以上在城外

墟市

桂林市

在縣治溪之南

坂尾市

在縣東南二里許

鹹場市

在居仁里丁坂社

華口市

在居仁里華寮社

上坂市

在感化里竹柄社

溪南市

在感化里溪南社

象湖市

在感化里竹柄社

新橋市

在和睦里龜池社

安仁市

在和睦里安仁社

留田市

在永福里留田社

呂坊市

在永福里呂邦社

溪頭市

在永福里留柄社

寧洋縣

城郭街九

康阜街 縣前至南門

雲程街 學前至北門

太和街 縣后橫轉南

新豐街 城隍廟前達於後街

安化街 西門外直街

萬通街 東門外直街

登雲街 在府館側萬歷十年知縣楊繼時開通北門

澄清街 萬歷三十五年知縣鄒啟元新開出雲程直下學右

來遠街 南門外隔溪

墟市

寧濟橋市 今廢

青雲橋市 每月三八日聚貨交易

郵傳

龍巖州

龍巖州志

卷二

規建志

三

州總鋪

登途鋪 南路接州總鋪

崎瀨鋪

馬坑鋪

三井鋪

石羅鋪 今名藍田

前林鋪 一遞南靖林田鋪一遞鼓樓鋪往永定江廣等處

鼓樓鋪

南墩鋪

半庵鋪

上寨鋪

龍潭鋪

湖雷鋪 四鋪俱設在永定縣界內

鐵石洋鋪 東路接州總鋪

皞林鋪 舊名惱林

東山鋪 北遞新爐鋪東遞小吉鋪

新爐鋪

湖營鋪

蘇邦鋪

黃家岐鋪

溪口衙前鋪

以上五鋪因移駐添設

小吉鋪

藿村鋪

一遞漳平九鵬鋪一遞寧洋利溪鋪

上巷鋪

傅坑鋪

高陂鋪

以上三鋪係上杭永定至州小路往來公文絕少雍正十三年州張廷球詳請裁汰將原額設鋪

司兵共七名撥增藿村小吉各二名東山皞林鐵石洋各一名其上杭等縣公文俱由永定湖雷大路遞

漳平縣

縣前鋪

黃番鋪

去縣二十里

頓村鋪

去縣四十里

硃頭鋪

去縣六十里

田尾鋪

去縣八十里以上自縣南往府路

九鵬鋪

接本州藿村鋪

南洋鋪

去縣四十里自縣西北往龍巖上杭路以上嘉靖六年知縣王椿設

龍巖州志

卷二

規建志

三

安靖鋪

慈香坂鋪

以上二鋪分割大田縣後戶不充編

遂寧

寧洋縣

縣前鋪

半嶺鋪

東路至省

嶺頭鋪

縣南六十里達漳平縣

馬山鋪

接永安界

利溪鋪

西路接本州藿村鋪

隘口館鋪

馬家山北萬厝九年移馬山鋪於此

公館

龍巖州

上坪公館

不道中驛明成化間知縣陶博建嘉靖間知縣謝思木陳瀛脩即原設巡按巡道理刑三館後

為寇燬只存道館國朝知縣王有容重脩今為巡檢署遇有皇華仍可駐節

大池公館 在治西五十里龍門里明成化間知縣韋濟建路通上杭縣

北坪公館 在治南七十里龍門緣嶺社通永定縣今廢

馬坑公館 在治南三十里路達汀漳一在馬坑店萬厝間知縣吳守

忠建

鎮平公館 在治東五十里小吉鋪路達漳平寧洋明成化間知縣韋濟建今廢

雁石公館 在治東三十里明知縣吳守忠建舊為巡檢司署今廢

林田公館 在治南七十里明萬厝間知縣葉世美建順治間知縣王有容重脩今廢

漳平縣

永福公館 在留田社縣南七十里

和睦公館 在龜池社縣北一百二十里

龍巖州志

卷二

規建志

三

寧洋縣

嶺頭公館 在縣西南五十里康熙間知縣沈荃立平寧分界表於嶺

擢甲公館 在縣北四十里明知縣鄧于蕃設

附載

京城會館 在石頭街衙又一所在永寧街衙為東館一所在煤市街為西館此二館係前與漳州府合

橋

龍巖州

車頭嶺橋 在東門外舊橋窄小水漲屢圯道光十三年監生章光玉捐貲另建大橋高廣倍之翼以扶欄

行人稱便

東興橋 在平在坊乾隆間里人陳林等姓釀金建造橋頭設路燈並築店租稅以供燈費道光十四年重修

東津橋

在平在坊俗呼東橋為平寧必由要道因見龍橋

橋夫二名渡船二隻按江志明邑人連材施渡田二十

畝水流過半知州張廷球查康熙三年丈冊僅存原田

八畝九分五釐委吏目賞鑛履畝勘丈內不字區原田

五畝九分一釐丈實田十一畝七分八釐元字區原田

一畝七分九釐丈實田二畝零一釐寒字區原田一畝

二分五釐實存田七分二釐共丈溢田五畝五分六釐

免其陞糧同原田共十四畝五分一釐給照付橋夫鄭

文任吳永隆佃耕完糧其租九十七桶永為工食掌管

橋渡又撥連材施雁石渡積字區丈溢田五畝六分九

釐佃戶張次瑜耕又據生員連天岱具控斷歸連材裔

孫連兆麟續施坐落下惱敬與二區田八畝一分四釐

計租三十七大籬二項共田十三畝八分三厘交與緣

首公收為每年脩葺橋船之費其積字區溢田亦免陞糧

附載乾隆三年知州張廷球讞語審得生員連天岱高祖

為東津雁石二渡食夫造船之費載在舊志班班可考厥

後東津渡田水流租短不足濟用天岱之祖連兆麟益以

規建志

坐落下惱地方田租五十七大籬附載解陂碑陰亦萬難

泯沒也既而東津橋建渡廢田畝虛懸其下惱之田因糧

米在原主林曾信內完納遂為連蘇吳三姓分管雖各執

有契而賣主云亡子孫不知其故殊可疑也康熙五十四

年天岱之祖生員連雲龍控於前署龍巖縣冀令批雁石

龍巖州志

卷二

據貢生黃秉忠等覆稱議令東津首事照償逆蘇吳贖價
合下惱等首事自理渡費田還東津等情前來事屬允協
然本州准情酌理則更有說夫以諸生視之下惱固與東
津雁石殊而本州視之則東津雁石與下惱均渡也下惱
既設有渡自必有費若償其原銀保無他用而渡廢乎爰
是傳集庭斷酌定渡之大小費之多寡下惱僅一小溪水
洞有橋溢乃用渡用費無幾將原施下惱田租五十七籬
內撥租二十籬為下惱食夫造船之用餘三十七籬仍歸
東津同東津原田亦為橋渡之費雁石原有渡田及緣首
另置之產足以敷用各渡俱賴以不廢著原差傳諭三渡
緣首將各渡田段區號佃名租數錢糧逐一開明彙策呈
送以憑丈核載入志書連蘇吳等各廢契附卷立批存案
見龍橋 在州東五里嘉靖十二年知縣陳瀛建尋圯三十
後又圯 國朝知縣江藻移於長春亭編木為之旋圯
雍正十年署縣莊年捐俸復建木橋未幾水圯乾隆二
年知州張廷球倡捐移上數十武改建浮橋十八座即
東津橋又於橋南添築堤路若干丈購亭以憇行人先
後董事生監邱蔚文連濬發倪瑞連天炎連士鳳等姓
規建志

龍巖州志

卷二

三

氏並載于碑○按見龍橋在拜龍山腳石墩高二丈有奇形家以為一州關鎖現存二墩舊註誤

彌勒溪橋 在平林社平寧要道明嘉靖十六年建拱石為之長四丈高二丈二尺濶一丈六尺久圯雍正

六年生員邱世貴改造木橋另輪租八籬五分爲脩理費道光八年闔州捐金續建石橋

永靈橋 在夏惱鄉舊係小橋每逢水漲則撤橋爲渡乾隆三年知州張廷球撥連材所施田租二十籬爲渡費詳見東津橋讞語嘉慶九年知州承炷倡捐重建架

木成梁間遇大水亦免頽流之患○夏老舊志作下惱

雁石橋 名乾隆二十八年知州嘉謨創建浮橋長計三十丈濶丈餘有碑記又在雁石嶺

置山一片栽培松樹以備船料

附載原渡田段 原設渡夫二名渡船二隻明連材施田二十畝康熙三年因水流丈豁僅存田七畝

零八釐知州張廷球照册丈實習字區原田四畝一分二釐零佃戶陳廷山耕只納大租又連段丈溢墾復田三畝

二分零佃戶阮卓西耕又丈實積字區原田二畝九分五釐八毛佃戶張次瑜耕又據貢生湯日章呈驗衆買習字

區連材原田四畝一分之小租契紙并緣首葉辰占等募買林角洋田一畝五分零林鄭邱等募買赤秋壠田三畝零老人坂田四畝六分零乾隆三年監生邱後自捐買陳綸伯田四畝四分招佃開復以上田畝付各緣首每年收租完糧脩渡並給渡夫工食丈溢習字區田亦免陸科

硃溪橋 在雁石社永樂十五年里人黃宗原建萬歷九年知縣曹允儒重建

硃溪林坑橋 在蘇坂社路通漳平公置租三十斗為脩葺之費

小吉頭橋 在蘇坂社麻姓充租五十斗為脩葺之費

卓賢橋 在福村社

油洞坑橋 在福村社

小溪頭橋 在福村社

田坑內外橋 在福村社內橋 贈儒林郎詹起鳳建道光四年溪口貢生謝兆岷寧洋武生吳冠麟各規建志

龍巖州志

卷二

充銀五十員倡捐重脩外橋詹姓建俱置存田業

龍興橋 在州東八十里白沙上通永定連城下達漳泉延建向有渡無橋嘉慶年間知州承炷捐廉一百兩

倡建長二十四丈闊八尺翼以欄杆往來稱便

龍津橋 在州南門外舊名通環在上流以木為之宋乾道間合李宗回易以石厚熙戊申合張熊於橋上架

亭改曰龍門開禧間合趙汝勉復脩元至正元年火二年建魯花赤捏古栢徙建清高山下即今所又圮於水

明永樂間知縣陳思敬重建架亭二十八間更名龍津後橋亭廢宣德五年知縣胡展重建王源記嘉靖庚子

漳南道侯廷訓脩林魁記庚申兵燬丙寅縣丞胡德廉建庚午圮於水署縣事漳州同知殷康脩萬歷丁巳圮

知縣朱泰禎脩丁卯復圮知縣余應桂建崇禎甲申水址石盡冲沒義民邱翹然易以木國朝順治丁酉知

縣王有容捐俸百金邱翹然又助銀五百兩縣丞閔允嘉捐金五十兩二學縉紳士民各捐重建尋圮知縣江

藻重脩康熙五十二年洪水又圮址石復盡沒雍正二

年署縣上杭令馬義改建浮橋七年知縣萬物觀倡脩

生員邱蔚文等捐充橋田乾隆二
年知州張廷球倡率翁璣重修

附載橋租田段

一貢生翁偕霞充田租三十六大籬給為
渡夫工食佃戶郭仁郭友仁張景東毛旭

山今契已無存只有佃批印簿存庫○一生員邱蔚文充
田租三十籬六分價銀一百五十三兩○一監生翁學敏
充田租一十籬價銀五十兩○一知縣周家相發贖金八十
租三十二斗價銀六十兩○一知縣周家相發贖金八十
兩緣首翁學敏等湊成銀一百零二兩典劉利賓等眾田
一段坐落平在坊對面洋載租二十四大籬以上永為脩
整橋船之費俱
有印契存庫

萬年橋

在東山社石粉嶺鄉東通蕉坑永福西通坎市汀
州康熙年間倪南田子孫建乾隆五十年重脩水

漲有
渡

烏石橋

在石粉嶺新陂交界東通謝家邦孟窳西通龍門
汀州係石粉嶺新陂東山後隔四鄉同建水漲有

渡

龍巖州志

卷二

規建志

三

功德橋

在州南馬坑鋪五里元至順二年僧德禱建石基
木梁長三丈五尺濶一丈五尺嘉靖五年知縣蔡

尚義重脩後圯萬曆五年知縣吳守忠
重建有記乙亥知縣鄧藩錫脩有碑

駐師橋

在適中社倒嶺坵宋丞相文山屯師故壘橋在坵
下里許以相國屯師故又名國公橋知縣曹允儒

建拱石為之長丈餘橋右建碑亭
亭圯碑存旁有小碑鐫弔古題詠

南安橋

在適中社南境離驛館五里許俗傳宋丞相文山
待御駕於此故又名待御橋汀漳孔道南距驛師

橋五
里許

樂成橋

在適中驛嘉靖十一年知縣汪九思
建未成而去知縣湯相踵成故名

大中橋

在適中前洋汀漳孔道謝陽高戶建長數丈橋上
架亭足蔽風雨橋東有大士閣左右列店鋪如市

九車溪橋

在九車汎距適中社二十里汀漳孔道
舊建木橋加覆亭遭回祿更之以石

綠楊橋

在洋邦距適
中驛館五里

安濟橋 在水尾距適中驛館十里

迎龍橋 在州城西兩山夾溪而下橋跨其上趾在虎嶺麓之南舊名虎渡俗呼西橋與龍津橋東西對峙道

通汀潮明洪武丙寅縣丞周尙文建後圯宣德庚戌知縣胡晟邑人王源暨張存吉林宗魯等壘石爲之王源

記宏治間知縣陳熙正德間邑人陳和相繼重脩後圯嘉靖十一年知縣陳瀛移建上流百餘步改今名林炫

記三十六年知縣湯相脩始架石梁舉人邱鏞記後圯於水復改於舊處暫以木爲之

留暉橋 在州西門外過濠池處嘉靖三十年圯於水知縣湯相重建拱石爲橋高三丈六尺

西興橋 在西門外里許爲西行孔道舊貼水鋪木各矮橋乾隆年間里人捐輸改建架木成梁易今各有租

備脩 新橋 在西興橋之上章允山衆建置田備脩

碧潭橋 在虎嶺外俗名羅橋邑人林澤民等募衆立田資渡

規建志 龍巖州志 卷二 三

豐溪橋 在陳陂社雙溪口中隔沙洲左右兩橋相通爲汀漳通道

長安橋 在東肖社石堤乾隆年間陳天隨建

永寧橋 在東肖社洪水盈溪從無傾圮人謂活橋

古田洋橋 鄉民鳩建石基木梁長二十餘丈高二丈濶一丈

桂芳橋 在蔣那邑人蘇君弼建尋圯楊禮庭楊次玟黃中皇改建楊道儁脩

仁里橋 在黃坊社船巷鄉離泥塘數百步由永定通兩粵驛路

宏仁上下二橋 在黃坊社船巷鄉溪勢回抱山麓行旅病涉乾隆甲寅年里人建上下二橋有碑記

永興橋 在黃坊社上通永廣下達汀舊名紗帽橋知州張廷球改今名

南陽橋 在黃坊社南陽村口舊架木梁春夏雨溢尋圯尋脩道光丙戌年伐石爲基上鋪木板廣丈餘長十

丈費計千金里人曹峻山
樂義荆舉任工費之半

羅橋州西里許

龍川橋在西山石橋頭

龍門碇橋川城西十里道通上杭萬歷十四年知縣吳守忠荆建自為記

湖洋橋在龍門港聖母宮前為汀漳孔道

松林壩橋在湖邦社為汀漳孔道伐石為之與徒胥便

石牌前橋在聖母宮前汀漳孔道

南山大橋在小池社聖母宮前汀漳孔道

璜溪大橋在小池社汀漳孔道

白水橋在大池巖汀界為通杭孔道橋長三丈高濶二丈有奇道光七年建

龍巖州志

卷二

規建志

四

潛鎮橋在大池社為通杭廣孔道橋長五丈有奇乾隆四十年建

九曲橋在大池社為通杭廣孔道距驛館六里橋長六丈有奇乾隆十年建

新安橋在溪口治上三里許上達汀連下通漳龍長七丈半高一丈六尺濶一丈道光丁亥重脩

東埔橋在松洋社永樂間里民楊柳實建

下村橋在萬安里溪口社元至正間里民陳真子建明洪武二十年里人林應明重脩長五丈濶一丈亭七

間

涸溪橋在松洋社明洪武間里民楊子猷建長三丈六尺濶一丈

溫潭橋在萬安里通溪口大路中夾一溪溪石巉巖遇洪水不可渡乾隆三年知州張廷球捐貲採石築墩

架梁寬三尺六寸長五丈翼以扶欄監生邱嵩岳捐建碑亭於橋畔

萬安橋在溪口神公坂天后宮之左路達龍巖連城乾隆十九年分州彭天禧捐俸募捐架亭七間中祀

觀音大士 元天上帝神像嘉慶二十一年分州謝慶芬捐俸重脩

漳平縣

浮橋 在縣南龍江潭正德九年知縣徐鳳岐造船二十四隻鋪以板纏以鐵民不病涉崇禎十四年教諭何九雲倡捐置田以食守橋夫順治甲寅因亂鐵纏燬為兵器康熙二十年知縣查繼純重脩造船增至三十六隻復纏以鐵題曰文昌橋道光九年知縣盧紳僉紳士倡捐重脩

迎恩橋 在東門外宏治元年知縣李讓伐石為之乾隆三十八年知縣王詢重建

觀音橋 在西門外坂頭相傳昔有觀音隨流至此因建此橋有亭

石拱橋 在東門外里許

拱辰橋 在北門外

文興橋浮橋 在和睦里新橋西埔嘉慶二十一年里人公建捐租二百餘斗以為守橋及脩理之費

龍巖州志

卷二

規建志

聖

西江石橋 在和睦里西埔鄉嘉慶十年廩生盧文藻捐貲新造

太和橋 舊志作太平橋在和睦里鄧坂有亭

新橋 在和睦里西埔有亭

和溪橋 在和睦里小溪有亭

龜池橋 在和睦里里有亭

城門橋 在和睦里里人公建今廢

石橋 在感化里馬岐林本里封君蔣栢山造捨脩路田自橋下至華口上至九明歲一脩之蔣氏孫子歲輸一人董其事

永濟橋 在感化里溪南崇禎三年里人陳六龍等募眾興建壘址於淵伐石為梁高四十尺長亘百尺

竹柄橋 在感化里竹柄鄉有亭

牛相觸岑橋在縣感化里

步雲橋在永福里留田

惠寧橋在永福里李庄

燕溪橋在永福里留田社明嘉靖間陳姓眾建作亭於上橋下有龜蛇石里人祀真武於橋上甚有威靈咸

以為應此石之象

虎江橋在永福里留田社嘉慶十九年陳姓眾建

石龜頭橋在永福里留田社嘉慶十九年里人眾建

義濟橋在縣之西北貢生黃玉麟捐建砌石成橋往來稱便

福星橋在縣西南二里許大菁鄉丁坂監生黃菁華建

新墟橋在新安社有亭

龍巖州志 卷二

規建志

星

寧洋縣

寧濟橋在城南萬歷五年知縣鄧子蕃建壘石構亭凡十八丈九年圯於水知縣楊繼時移前十餘丈重建

崇禎十六年廢形家謂此橋關鎖三溪聯合兩洋有關風水宜復

太平橋在南門屢興屢廢康熙二十九年知縣沈荃捐俸重建後寢頽壞乾隆二年知縣黃靖世重脩

青雲橋在城南原名玉江寇燬萬歷二十七年知縣蕭亮鴻建崇禎十六年圯於水順治十五年知縣蕭亮

捐建康熙甲寅燬於亂十六年知縣陳運泰重建三十一年知縣沈荃捐俸脩後寢頽壞乾隆二年知縣黃靖

世重脩

西洋橋在城西知縣蕭亮因寧濟橋未復始建以通集永二里之往來康熙二十八年知縣沈荃捐俸重建

後廢乾隆二年知縣黃靖世捐俸重建歲久復廢嘉慶二十二年重建改名登瀛橋道光十年重脩

金京橋在城南七里

香山橋 在城北三十里

城口橋 在城東五十里

錢公橋 在城北四十里順治十七年漳州府錢光泰捐金知縣蕭亮督建上覆亭翼以扶欄教諭張豐玉有

記碑

蚌口橋 在城北七十里

山谷橋 在城東二十里知縣蕭亮建

嶺地橋 在城北二十里後圯嘉慶二十四年重建

利濟橋 在城南四里萬歷間知縣許一元建久廢康熙二十七年知縣沈荃捐建

渡

龍巖州

龍巖州志

卷二

規建志

星

東津渡 在州城東邑人連材施有渡田另詳

雁石渡 在節惠里邑人連材施田以濟另詳

宏濟渡 在蘇坂社山美出

利濟渡 在蘇坂社蘇坂鄉嘉慶二十年鄉眾公置田租八十餘斗為渡夫工食

普濟渡 在蘇坂社上家邦鄉眾公置田租七十斗為渡夫工食

西浦營渡 在蘇坂社

藿村渡 在蘇坂社

雞鳴渡 在節惠里

赤尾山渡 今改名萬盛渡

橫牛渡 在碇溪蘆林路通漳平順治己丑年生員徐泰來捨田十四畝載租一百一十斗充為渡夫工食

白沙渡 在萬安里

黃坂渡 在福村社舊名南坂明崇禎八年里民邱葆輝買陸賓園田九畝五分六毫坐落萬安里大坑源等

處計田一十四號為渡夫工食後被林姓換田架屋乾隆三年葆輝後人邱惠千訟於州經委巡檢程珪查丈得一十三畝七分一釐一毛一絲統作渡業令渡夫向謝林二姓照舊額收糧立戶輸納丈溢之田免其陞科

熱水渡 在福村社漳平增生劉錫齡設歲貢生劉元甲捐租一百斗以給工食

龍津渡 在州城南舊無渡雍正二年署令馬義改建浮橋始設渡船二乾隆二年知州張廷球令首事監生

邱應萬等另造厚板寬大渡船二隻

小溪渡 龍津橋東小溪會流處

西津渡 在州城西

碧潭渡 詳見

龍巖州志 卷二

規建志

四

龍門渡 在州西北即龍門磴路通上杭

溪西渡 在州龍門里大池社

隆興渡 在萬安里三十坑口路通龍巖乾隆三十三年分州王椿捐俸倡設

福美渡 在分州署右路通龍巖乾隆二十五年分州馮泰捐俸倡設

漳平縣

龍江渡 在城南先年徭役內編渡子二名每名銀一兩二錢若有浮橋渡停不用即令看守今革

羅溪渡 在縣北三十里順治九年許鼎乾捐租一百一十斗以給渡夫工食

南洋尾渡 在居仁里九鵬社道光丙戌公捐買田一段載租三十斗庚寅增廣生鄭廷璋另捐租十斗逐

月發給渡夫工食

鹽場渡 在縣西北十五里丁坂黃際標捐設買田二段合計租一百一十斗以給渡夫工食

大菁渡 在縣西許鼎乾捐租一百三十八斗以給渡夫工食

大菁夜渡 嘉慶二年貢生劉元傑捐建充租四十六斗道光六年僧生張允昭積善眾復充租二十斗以

給渡夫工食

石龜頭渡 在居仁里丁坂鄉武生劉尚璧捐租十六斗以創建義渡貢生劉元智復勸族人合捐租八十

四斗嘉慶七年庠生劉景慶捐充十二斗以為遞年脩船之費二十一年貢生陳元謨又充租四十一斗

東坑口渡 離縣五里許貢生陳華地充租八十斗給發渡夫工食

下析渡 在永福里州同鄧夢魁集議設渡並捐租三十斗為渡工之費

熱水渡 在巖境詳州志

產孟葛渡 在和睦里乾隆間居仁里巡檢李先亮捐建充租九段共五十九斗歷年供給渡夫工食其脩

理船資等項另給發

龍巖州志

卷二

規建志

畧

魚龍津鄉水尾林口渡 在和睦里新橋監生陳汝現於嘉慶丁丑倡建渡船充田租六十斗

以給渡夫工食

寧洋縣

山中央渡 在縣城南三十里

小溪渡 在水口

赤洋埔渡 在城西四里知縣沈荃造船設渡夫久廢道光三年邑人捐貲置產改名泰安渡

公館渡 在城南五十里知縣沈荃造船設渡夫

永濟渡 在城西十五里嘉慶二十五年邑人捐貲置產以給渡費

廣濟渡 在城西十里嘉慶十二年貢生羅光潤貢生溫文德合充田二畝半以給渡費

陂圳

龍巖州

東津陂

在東津橋下康熙初年知縣解之麟築鐵石洋田畝藉以灌溉道光十四年署州柯培元倡捐重脩

下渡陂

在節惠里長五十餘丈

鄭陂

在州南三里溉汶洋田畝明洪武間縣令鄭俊築故名

新陂

在州南四里長一千一百二十丈

烏石陂

在州南長一千一百三十丈

平坑口陂

在州南六十里下龍門長二百丈深六尺濶二丈

宰狗陂

在陳陂祀永潭洋頭灌永潭洋田七百餘畝補

陳陂

在西山洋長一千九百五十丈深二丈濶八尺

碧潭陂

在西溪新橋下欄碧潭之水築成陂圳灌水確車旁溉溪瀧內田數十畝泮池秀水從此入口由上

龍巖州志

卷二

規建志

吳

車開溝分流轉人西門達於泮

官陂

在龍門磴下溉大洋田官築之故名明正統間坊民林瑤王鋪重脩章以志鑿石磴易以堤長一百餘丈

高一丈餘濶三丈四尺民永賴焉

吳陂

在官陂下溉小洋田嘉慶年間被水冲壞道光五年移築在官陂上柳樹潭仍溉小洋田并謝洋圳下田

謝洋陂

在州西四里明潮州守王源築脩易以石堤長十餘丈高一丈

李公陂

在龍門磴上半里許溉石埠嶺等田其流最洪

龍門上下陂

龍門磴二陂昔合為一明宣德間王源增築尋壞今分為二上陂溉後北洋丁庄田明嘉

靖甲寅邱吳二姓共脩下陂距上陂百步溉謝洋田

牛欄陂

在州西三十里龍門里長八十丈深二丈濶八尺

陳坑黃土陂

在州西表政里長一百二十丈深五尺濶二丈

下塘苦陂 在表政里長一百二十餘丈

溫潭陂 在萬安里長三十餘丈

解侯陂圳 在鉄石洋舊陂洪水推流縣令解之麟
築新陂開圳溉腴田千百畝有碑記

龍潭坑圳 在節惠永福之界
明縣令湯相築

湯侯圳 在崎瀨鋪旁明縣令湯相築原有應
補浮米逢新丈始豁僉事林應奎記

八股圳 在適中前坑口由椽樹崙山脚直
出至隔口分兩圳溉田數百畝

緣嶺圳 在龍門里自長塔至北山計
長三千餘丈溉田壹百頃

漳平縣

後坑洋陂 在居仁里源出凌家
山灌田六頃有奇

黃番澗 在居仁里源
出三重嶺

龍巖州志

卷二

規建志

七

小鳩澗 在居仁里源出覆
鼎山下歷後葛

安坑澗 在居仁里源
出凌家山

寧坑澗 在居仁里源出仙
帽山及牛隔山

高巖澗 在居仁里原出巖澗歷大菁諸處上五澗
俱流入龍江每東作則築陂蓄水灌田

車陂 在和睦里贊石以截溪流
置水車於中以運水故名

石圳 在居仁里源出感化
里滢上洋等處田

竹柄澗 在感化里源出
牛蔡下歷上坂

官陂圳 在感化里竹柄橋下贊
石截流灌下坂等處田

寧洋縣

留田官陂

爐坂官陂

下菴官陂

驢駘官陂

田頭洋陂

白潭陂

高陂洋陂

石寮陂

石坑陂

講堤

龍巖州

秀水溝

明萬曆九年縣令曹允儒開發源迎龍橋下車圳

國朝縣令左峴江藻俱疏後漸淤塞乾隆元年州牧張廷球率士民疏開之設夫一名偵其通塞撥文昌舊祠田租十二大羅半給為工食嘉慶十八年學正粘繼任因溝流淤塞同紳士倡捐疏濬又置租十九籬並舊存小池租十二籬半以給溝夫工食等費有碑記日久溝夫力稍弛復淤塞道光十三年州紳士復捐貲疏濬

龍巖州志

卷二

規建志

吳

後田合溝

在東門外平在坊向分內外二溝至龜檔嘴合

下達石橋頭大溝傍街一帶自車頭嶺巷至東興橋巷俱由各處小溝紆迴而入至後田倪厝面前匯大溝田石橋頭達麻公前又匯後山諸坑之水合流至龜檔嘴是為內溝外溝自東興橋下五彩巷迄東關樓以下諸水亦各由木巷小溝入於榕樹頭蓮塘田至龜檔嘴匯內溝合流至東廟前入溪西圳數十年來內溝自石橋頭下淤泥填積溝道日淺外溝自榕樹頭下半為附近田地侵佔溝道日窄每逢淋雨坦路成渠民居屋宇因壅塞潮溼多生白蟻實為一坊風氣利害攸關道光戊子坊眾捐貲脩復開併麻公前為內溝係山坑水合流勢尤洶湧併力挖濬計深一丈五尺面寬七八尺不等溝上原築高堤捍衛居舍自嶺頭至龜檔嘴長二百餘丈脩理完固內外溝合流至東宮前溪西圳底挖渠導入大溪而溝流遂疏通如故無壅塞潮溼之患補湯堤明嘉靖三十四年縣令湯相築歲久漸廢國朝乾隆二年州牧張廷球重築倪南田邱庭淵蔡貞共捐松木三百餘株乾隆五十年州牧瑚圖靈阿重脩自為記

附築湯堤紀略

湯堤即龍巖東南二門城垣下之餘址也先是城齧於水明合尹湯相築堤以護之

自南暨東長一百八十丈民呼曰湯堤厥後疊被水冲崩塌乾隆二年知州張廷球據生員陳必宗議重築踰月告成其法堤離水面高五尺濶一丈先開通壩基以洩水每丈用大松樹兩層橫直各三節鋪列水底每節鑿三孔兩層上下孔相對用小松椿九節直豎孔內釘入土中水深處鋪列松節倍之中用石塊填砌松節松椿之隙臨水用大石條砌築兩層再上或以石條或以石塊築高堤面鋪以石塊俱用三和土粘縫堤外水際鱗次深釘欄椿新堤至舊坂處寬窄不同恐水冲舊坂左右俱照月形順勢新舊聯築以衛之又水門出水之溝形家謂不宜直瀉乃紆迴自南而折於西以入於川築溝計長一十丈二尺

東津堤

在見龍橋上東郊夷曠萬歷十三年知縣吳守忠築堤障之

恤政

龍巖州

龍巖州志

卷二

規建志

四

養濟院

在州東門外明洪武五年設成化間知縣章濟重建寇燬國朝順治十一年知縣王有容改葺管房為

院乾隆三年知州張廷球脩

曾濟堂

雍正二年知縣張宣建屋三間在漳南道基因建學之左建房屋十五間繞以圍牆門樓為樓

養貧民之所二十六年知州嘉謨增建

育嬰堂

雍正二年知縣張宣奉文建屋三間在州治西北隅地處荒僻旋即圯壞乾隆元年知州張廷球擇射圃

餘地重建前後二進各五間繚以圍牆門樓十三年署州費應豫撥田以供經費二十四年知州嘉謨倡捐置產以

充之

附載田產

查禮房報銷冊開載一額載撥充育嬰堂學租官石穀九十一石九斗五升三合六勺四鈔遞

年每石折納銀六錢共折銀五十五兩一錢七分三釐○一林鄭清承耕林存原充並丈溢雁石坳塘田租穀官石八石三斗七升六合每石折納銀六錢共折收銀五兩零二分六釐以上二條共收銀六十兩一錢九分九釐○一

撥充劉子成丈溢田租穀官石三石○一撥充林恆月丈
溢田租穀官石一石二斗六升○一撥充監生王士炳
丈溢田租穀官斗四斗○一典邱潤夫田租穀官石三
石四斗三升九合三勺○一生員湯光顯等捐充田租穀
官石三石六斗六升○一買王澤波田租穀官石四石六
斗四升四合○一陳聚興捐充田租穀官石六石四斗七
升九合四勺○一買屯田租穀官石六石一斗六升三合
○一原任道州知州吳濬將田抵換充銀田租穀官石三
石九斗八升一合○一買張寧偕田租穀官石二十石一
斗六升○一撥充林思忠丈溢田租穀官石一石六斗
○一撥充段揀周丈溢田租穀官斗八斗○一買謝受
安等田租穀官石五石九斗七升六合○一典鄭廷藹田
租谷官石一石四斗七升二合○一續買張寧偕田租穀
官石五石零四升○一典生員魏願幾魏邱氏田租穀官
石四石六斗○以上共征本色租穀七十二石六斗七升
四合七勺○一存平寧幫商邵岳華接辦鹽課項領去本
銀七百兩每年應完息銀一百兩八錢逢閏加增
息銀八兩四錢○一額載奎閣旁店稅銀一兩

圓田墾 在州北門外青草孟有可墾之地乾隆元年知州張廷球詳明安頓有妻室之流民及貧民等十一戶共

龍巖州志

卷二

規建志

辛

分給地一百五十畝建造住房十四間開鑿水塘一口並
給農具鉄器動支捐墾項下銀一百兩有奇給與開墾十
年陞科又買牛三隻并借給工本共銀八十二兩有奇准
其三年內照數扣還奉檄飭遵在案流民安置得所可免
脫逃之患按此地數十年來並無流民戶口居住其墾
地散給佃人耕種歷年輸租若干俱係捕衙收租報銷

義塚 在永寧門外方十餘畝知縣韋濟拓城葬枯骨於此
立碑曰叢邱知縣陶博增闢十畝繚以周垣尋

一在東門外三里土名麻公前南至山坑直落連家墾
田自山頂沿坑至田頭直長二百五十弓西至山頂自
南至北橫濶四百七十弓北至麻公廟右山坑直落大路
自山嶺沿坑至大路直長三百三十二弓東至大路自連
家墾田至麻公廟前坑頭橫濶二百三十弓計廣四十三
畝六分五釐周圍各埋界石豎義塚碑刊明界至收葬無
主枯骸四百三十九具一骸一確一確一穴知州張廷球
造其葬法先鑿壙取土每穴寬一尺二寸深二尺二寸實
以三和土築堅後於壙前取土若巷然寬深如之匠人鑿
龕置骸於內龕前安二甃當門關閉畢將土巷仍實以土
築堅即於壙前又築壙如前以葬葬既畢悉覆以土上又
以三和土統築壙式焉地甚寬廣可以永遠續收接葬廷

球恐後人不繼於流交溢額寺租谷三十二石內撥租二十石以十石付董事等公收年設三祭如鄉厲壇制以十石貯倉積數年而復一舉一在雁石河北乾隆二年造一在州東門外仙人掌頭通坊合造收理遺骸尚餘五十穴可續葬清明中元兩節設祭一在西山麓嘉慶八年通社造一在雁石河北舊塚右肩嘉慶五年造一在雁石大吉乾隆二十八年造一在白巖社陳山鄉乾隆五十三年造年按重陽節設祭一在萬安里竹貫村塚前有義祠俱道光元年造歷年設祭一在翠屏山麓軍營崙溪南坊合造

惠民藥局

明洪武十八年設今廢

大池社免蘭穀碑

為免有成案等事乾隆五十六年九月初九日蒙布政使司伊憲牌乾隆五十六年

八月十六日奉總督部堂覺羅伍批據該州民人吳榕張興廖峯等呈請大池社免買素蘭倉穀等緣由奉批仰福建布政司查照例案移飭示禁鈔粘並發奉此查此案前據適中社謝樹璋萬安里楊實中等先後赴司赴院具呈以離城寫遠照舊免採等由當經前司批准立石永禁並詳奉憲允飭免有案茲奉前因除移汀漳龍道查照外合

龍巖州志

卷二

規建志

五

就飭行為此仰州官吏即便遵照院批事理出示永禁嗣後免採辦蘭穀毋許胥役復行藉端派累有干未便仍將示禁緣由具報查考等因到州蒙此合行出示嚴禁為此示仰大池社紳耆士庶人等知悉自示禁之後許爾等大池社立石永禁嗣後採辦蘭穀准其免買不許胥役人等藉端復行派累如有派買蘭穀等事許爾等紳耆士庶指名赴州稟究爾等亦須安分自守不得藉詞混稟致滋事端各宜凜遵毋違特示

適中社免採買碑

為乞恩照舊免採永沐

皇仁憲德事乾隆五十年十月二十三日蒙署布政使司事按察使司按察使兼管驛務李批發龍巖州生員謝樹璋監生謝飛鴻生員陳常等請免適中社常平買補倉穀呈詞一紙蒙批查該處適中地方離州八十餘里民稠田少非產穀處所仰龍巖州遵照批示立石永禁嗣後毋許胥役混派滋擾須至勒石者乾隆五十一年二月二十八日給常平買補倉穀久奉例禁遠鄉僻壤非產穀處所不得令其領銀納粟適中離城寫遠又非產穀之區勒買補倉從無派及乾隆二十二年巖因水災平糶經胥承機舞弊派買經貢生謝金發貢生謝士富監生謝之洛上呈前請撫憲

吳批送前藩憲德查報詳奉牌飭該州嗣後採買毋得藉
派業戶勒令領買遵照在案二十餘年矣詎事久弊生近
復混行派買又經生員謝樹璋監生謝飛鴻生員陳常等
援引前案呈稟署藩憲李批發署州主何勒石永禁合將
所給碑文敬勒
貞珉以垂永久

漳平縣

養濟院

初設在東門內嘉靖十七年知縣秦文昂移建於東
門外山川壇後崇禎七年知縣高光映脩順治五年

寇燬七年知縣
冀紹芳重脩

育嬰堂

在東門內雍正
三年奉文建造

義塚

初在縣東二里許大寨坪正德十六年署縣推官胡寧
道設萬厯三十年知縣劉懷望移置於北門外又乾隆
二年知縣傅維祖會同教諭蔡復旦訓導劉芳率紳士各
捐貲另造義塚一所於高明寺之右名曰枯寂魂

寧洋縣

龍巖州志

卷二

規建志

五

養濟院

在縣寧濟橋右明知縣楊繼時建有記萬厯十四年
知縣陳德言因壞而窄改創之崇禎間復圯於水順
治十三年知縣蕭亮捐建甲寅變又
圯康熙二十七年知縣沈荃重脩

義塚

在縣北門外明知縣楊繼時立周
圍五百丈濶六十丈伐石為碑

遺愛祠碑

龍巖州

永思祠

在清高山嘉靖間士民為知縣湯相
建後以知縣韋濟並祀又祀江藻

胡公祠

永寧門內士民為
知縣胡景華立

朱公祠

東門外士民為知縣朱泰
禎立寇焚燬有碑存祠基

余公祠

東門外士民為知縣余
應桂立寇燬今重建

鄧公功德祠

在州治左士民為知縣鄧藩錫
立並董陋二碑暨祠左有亭

龍宮鄧公祠

在龍巖洞前士民為知縣鄧藩錫建龍宮立有祠田已被侵沒順治十年知縣王有容清出為

祠資乾隆三年知州張廷球率監生章文漢重脩移知縣余應桂像并王有容牌位並設於祠

董公祠

在東門士民為知縣董汝昌鳩民脩城後卒於官祀此嗣以朱余二祠寇燬並祀焉

李公祠

在學宮右士民為知縣李燦然立有碑存祠

林公祠

在李祠右士民為教諭林朝龍立有碑存祠

周公祠

在學東士子為教諭周天祐立有碑存祠

蔡公祠

在治西士民為鄉宦蔡夢說惠鄉功德立

王閔二公祠

在南郭門樓國朝士民為知縣王有容縣丞閔允嘉脩龍津橋立

左陳二公祠

在學宮右士民為知縣左峴教諭陳正朔脩學宮立今附文昌閣下

江公祠

士民為知縣江藻立一在新羅書院右一在南關一附南郭樓一附永思祠一附東關外一在松洋

龍巖州志

卷二

規建志

五

郭公祠

在東嶽觀後士民為知縣郭朝弼立

王公祠

在報恩寺前士民為副總兵王信守巖立

劉公祠

在恢文書院右紳士為知州劉夢驥立

吳公祠

士民為知縣吳守忠功德建一在小池社一在適中社有碑記嘉慶九年適中紳士感知州承炷恩德又

附牌位於其左

張公祠

在平在坊東津浮橋北士民為知州張廷球功德立

解公祠

在鉄石洋社士民為知縣解之麟功德建合社課文於此

蕭公祠

在學宮左

惠鄉祠

在內江山里人為鄉宦楊琛賑荒建知縣左峴有記

文文山駐軍故壘碑

在倒嶺下為宋丞相文天祥立

黃侯奏免鎮海糧碑 明士民為主簿黃鈞立林洪中記

許公去思碑 明士民為漳州同知許綸立

汪公去思碑 明士民為知縣汪九思立

唐公功德碑 明士民為漳州通判唐大路罷取銀沙立

毛公去思碑 明士民為漳州府推官毛鼇署縣事立

劉公功德碑 明士民為漳州府同知劉宗寅靖寇立

劉范二先生去思碑 通庠為教諭劉昇訓導范嶽立

閔公功德碑 在殿門外左通庠為漳州府知府閔夢得造士立

梁公去思碑 在漳南道前士民為署縣事漳州府同知梁士立

朱公脩城碑 在儀門左士民為明知縣朱泰禎立

鄧公重修學宮碑 在明倫堂左士民為明知縣鄧藩錫立

楊公德政碑 在儀門右士民為明知縣楊開泰立

蘇師功德碑 在儒學二門內通庠為教諭蘇國翰立

程師去思碑 在儒學二門內通庠為教諭程士章立

陳師去思碑 在儒學二門內通庠為明教諭陳明時立

薛師功德碑 在儒學二門內通庠為訓導薛應斌立

余師去思碑 在儒學二門內通庠為明教諭余熙立

周四尹遺愛碑 在西解內士民為明典史周之彥靖寇恤民立

石公功德碑 在殿門外左國朝士民為漳州府推官石璋署縣事立

王總鎮功德碑 士民為國朝左路總鎮王之綱立

王公功德城守碑 在譙樓士民為知縣王有容立

王公重脩儒學碑 在明倫堂左通庠為知縣王有容立

脩飾龍宮碑 知縣王有容白為記立在龍宮右

脩飾蓮花巖碑 知縣王有容自為記立在菴內有香資田

革陋禁毒碑 知縣王有容自為記立署前有亭

蔡公惠鄉碑 在本坊表下士民為鄉宦參政蔡夢說立

王公樹德議祠碑 在蔡惠鄉祠右士民為鄉官刑部侍郎王命璿立

杜公去思碑 在南門內士民為知縣杜雲禎立

駐防張公去思碑 在南門內兵民為遊擊張起鳳立

重脩學宮碑 在明倫堂右知縣左峴白為記

龍巖州志 卷二

萬侯脩學脩城碑 在明倫堂右士民為知縣萬物觀立

捐輸賑濟碑 在州治大門外雍正四年為捐賑邱又元邱恥賓訓導吳烜生員邱蔚文廩生詹之楫立

捐置龍津浮橋田碑 在南門外觀音閣下為州人翁梓材邱蔚文湯士宏母湯邱氏等捐田立

督學院侍講周大宗師公明造士碑 在東轅門外州屬三庠士公立建碑亭

學院周 新建院署文場記碑 乾隆二年立於大堂之左

學院周 鼎新龍巖州學宮記碑 乾隆二年立於戟門左

撫院盧 新羅書院記碑 乾隆三年立書院內

學院周 新羅書院記碑 乾隆二年立書院內

藩司王 新羅書院記碑 乾隆三年立書院內

新建東津浮橋記碑 在橋南五里亭內知州張廷球記

漳平縣

李公祠 在縣治東明士民為知縣李大年李希孟立順治間寇亂頽廢康熙初為防守李進才立生祠並魏公二

李合祠之

漳平縣築城碑 戶部郎吳仕典記

鍾侯去思碑 廣東副使連繼芳記

王侯去思碑 金堂知縣陳嘉議記

董侯去思碑 兵備參議陳六韜記

沈師鼎去思碑 副使王以通記

沈師穆去思碑 庠生陳乙駿記

查侯德政碑 奉化知縣鄭榛記

龍巖州志 卷二 規建志

寧洋縣

周公祠 在府館後祀海道周公賢宣明知縣董良佐建後更名功德祠

董魏二公祠 在青雲橋右祀明知縣董良佐後知縣向德象以魏祠在員當移而合祀於此今廢

鄧黃二公祠 在縣城南寧濟橋明知縣鄧于蕃黃夢鴻皆有功於民民思之不忘建祠合祀今廢

洪公祠 在崇聖祠左士子為明教諭洪彩立

蕭公祠 在文昌宮後士民為知縣蕭亮立後防將借為公署遷其像於文昌宮康熙二十七年知縣沈荃別建弁

署脩其祠而復祀之

重修寧洋縣儒學碑 在戟門左黃以賢記

周公祠碑 明士民為海道周賢宣立謝彬記

寧洋縣官題名碑 在縣堂東隅知縣鄧于蕃立自為記

寧濟橋碑 在接官亭廢

新創儒學儀門碑 在門左王以通記

鄧侯去思碑 在縣儀門左為知縣鄧于蕃立石應岳記

楊侯去思碑 在東門內為知縣楊繼時立林懋和記

黃侯宦績去思碑 在本祠前為知縣黃夢鴻立

洪師去思碑 在本祠內為教諭洪彩立

康阜閣碑 在東郭外李杏記

重建東明門碑 在東門城內為知縣柳翹才立

重脩寧洋廟學碑 在戟門右為知縣陳鉉立順天學院馬鳴起記

重建文廟碑 在廟門左為知縣蕭亮立張居昌記

龍巖州志 卷二

重建東南二城門碑 在南門外為知縣蕭亮立兵科王命岳記

重建明倫堂碑 在明倫堂為知縣蕭亮立編修富鴻業記

重脩青雲橋功德碑 在橋左有亭為知縣蕭亮立教諭張豐玉記

重脩祝聖寺碑 在殿前禮科張松齡記

重脩功德祠碑 在祠內為知縣蕭亮立李佐記

蕭侯德政碑 在本祠內葉先登記

重脩文廟碑 在廟前右為知縣王時泰立柯願記

重建城隍廟碑 在廟大門內知縣沈荃自為記

建太平西洋諸橋碑 在西洋橋頭為知縣沈荃立進士吳材記

創興義學碑 為知縣沈荃立孝廉吳璉記

坊表

龍巖州

忠愛坊

在州治前明知縣章濟建順治十一年知縣王有容重脩

清漳古邑坊

在州治前明知縣胡景華建名宣化坊順治十一年知縣王有容建改今坊名

激揚坊

在漳南道前知縣蔡尚義建圮

徵獻坊

在漳南道前萬曆十五年知縣吳守忠建今圮

教化本源坊

在儒學前今圮

雲程萬里坊

在儒學左今圮

登科坊

在學明左

應貢坊

在學門右俱知縣胡景華立後並廢知縣鄧藩錫易建以木

龍巖州志

卷二

規建志

五

翰林春坊坊

在東嶽觀前為翰林春坊司直王源立今圮

崇德坊

在西門內為知府王源立

豐稔辭金坊

在西門外正統六年大使黃中為大守王源立東曰豐稔以龍巖久不登第登第自王源始故

以豐稔破天荒之說而名西曰辭金以居官辭金不受故名

伯姪甲科坊

在武安坊下井巷口為進士杜志道舉人杜陽立

進士坊

凡九處

武安坊清高山左一處

為進士杜志道立

武安坊清高山下一處

為進士陳和立

平在坊下巷內一處

為進士蘇鏞立

平在坊東關一處

為進士蘇霖立

黃坊社船巷鄉一處為進士饒用立

黃坊社三溪書院左一處為進士楊廷英立

東肖社仙宮隔大路一處為進士張崑立

平在坊東興橋下大街一處為進士林有世立

蘓坂社一處為進士黃傑立

登雲坊在北門內為舉人王應立

桐岡坊在西門內為舉人王驥立

肇科坊在南關為舉人翁茂立

高岡鳴鳳坊在水南為舉人邱穗立

鍾英坊在學巷內為舉人蔣輔立

龍巖州志

卷二

規建志

亥

毓秀坊在東門外後田為舉人倪庸立

搏霄坊為舉人周寅立

登科坊在銅鉢巷為舉人陳義安立

蟾宮步武坊為舉人蘓霍立廢

禹門坊為舉人陳和立祀

登瀛坊在東門內為舉人黃文中立

鸚薦坊在府館左為舉人林玘立

擢桂坊為舉人王超立廢

岳伯坊在南門內為左參政林瑜立

邦伯坊在南門內為知州陳冕立

書錦坊 在州治前為員外劉銳立廢

繡衣坊 憲伯坊 二坊在西門內俱為陳和立

京兆尙寶司城坊 在南門外為治中邱昂司丞邱倫兵馬司邱燦立

文正遺風坊 在下井巷為贈知縣連一貫立義田建

世大夫第坊 右坊頭為蘇孔機蘇總立

司徒司馬坊 在銅鉢巷口為侍郎石應岳立

清朝侍御坊 在學宮左為御史蔡夢說立

雙壽重封坊 為知縣蔡謨儒人徐氏立

刺史重褒坊 在南門外為同知邱鑣父邱玘立

內臺風紀坊 在武安坊下為貴州道御史王以通立

龍巖州志 卷二

五

兩朝黃甲坊 在水南為進士連寅連寢魁連繼芳立

世承天寵坊 在水南為進士王以通舉人王尙賢進士王命璿立

世承天恩坊 在州治前為御史王以通王尙賢王命璿立

百歲坊 一在東嶽觀下為劉良立一在溪南坊為百歲加三邱元章立一在適中社樂止亭下為 馳贈奉直大

夫謝嘉穀配 馳贈宜人鄭氏立一在石牌前東洋尾大路旁為陳常生妻張氏立

世秉樞鉞坊 在漳南道上為侍郎石應岳子參將石惟馨孫公允立

風清三省坊 在清漳古邑坊前為御史柯元栢立

忠義孝弟坊 在南門下後城為訓導楊範立

貞孝坊 在東橋下拂雲亭前為連梅隱女素貞立

貞烈坊 在適中社后間鞍口凹頭為謝展賢妻林氏立

貞節坊 一在南關內為邱鋒未婚妻蔣氏立一在東橋下拂雲亭邊為蘇堯未婚妻劉氏立

捐軀殉節坊 在東門外為營兵陳斗慶妻游氏立

節烈坊 在石粉嶺為蘇秉文妻蔡氏立

節孝坊 一在州南烏石廟大路邊為吳汝楫妻章氏生員吳炳妻蔣氏儒童蘇維垣妻黃氏生員吳昇妻林氏立

一在州南烏石廟大路為生員詹鵬飛妻湯氏立一在州南關外為邱成妻蔡氏立一在北門內城邊為誥贈奉直大夫吳錦妻誥贈宜人林氏立一在青草孟雞嫩坑為廩生吳炳妻蔣氏立一在大池赤嶺隔為生員吳冕妻連氏立一在鉄石津解公祠右邊為生員陳蓮池妻石氏立一在東門內街左為生員連日光妻林氏立一在平在坊拂雲亭左為生員楊葵妻連氏楊豫妻章氏楊楫妻石氏立一在東門外街左為監生倪國俊妻石氏立一在城東後田為監生倪泮妻陳氏立一在西埔營鄉石牌洋為監生詹世錢妻謝氏立一在西門內嘉濟廟下土地祠右為魏子宜妻邱氏暨男例贈文林郎魏繼緒妻倪氏立一在陳陂社為郭克明妻蘇氏立一在西山社海棹下大路

龍巖州志 卷二 規建志 本

為陳昌庭妻章氏立一在東門外車頭嶺為倪珊妻邱氏立一在城東後田為林平江妻邱氏立一在適中社后塘大路為謝約妻張氏立一在適中社后間大路為謝仲江妻鄭氏立一在適中社前林嶺上為謝宇琬妻林氏立一在適中社前洋大中橋上大路為謝登榜妻林氏立一在適中社樂止亭下大路為謝駿三妻盧氏立一在適中社樂止亭下大路為林廣瞻妻謝氏立一在適中社樂止亭下大路為謝光溥妻林氏立一在適中社倒嶺切下坂蒙大路為謝禹齋妻林氏立一在蘇邦水尾石橋頭為翁梅春妻湯氏立一在西門外米厥城邊為李其長妻王氏立一在大池隘嶺為吳鎧妻張氏立一在大池隘嶺為吳鳳階妻陳氏立一在小池社隔口外大路邊為鄧啟超妻陳氏立一在萬安竹貫村為溫大紹妻曾氏立一在田坑鄉大路上為詹哲妻陳氏立一在所內坊花園城邊為翁子炎妻廖氏立

一在小池社隔口外大路邊為陳拔春妻章氏立一在西山社陳東谷右邊為陳惠忱妻邱氏立

漳平縣

承流坊 宣化坊 二坊在縣前左右

太平坊 在城隍廟左

地官粉署坊 在府館東為主事陳雍立

計部大夫坊 在縣學前為陳九敘立

進士坊 在縣學前為曾汝檀立

登科坊 在北門池塘邊為舉人朱佛聰立

誥勅聯袂坊 在南街為曾元清立

亨衢發軔坊 在城隍廟前嘉靖三十年為舉人陳朝烈立

富教坊 在東門內

威鎮坊 在關帝廟前二坊嘉靖三十四年知縣劉鑄建以上坊今俱廢

鄉秀開先坊 在縣學前為曾汝檀立

賢孝坊 一在葛坵田邊為孝子陳思齊立一在城隍口為孝子陳元英立

龍巖州志

卷二

現建志

全

貞烈坊 在和睦里新橋墟為陳少韓未婚妻劉氏立

節孝坊 一在縣東隅為舉人陳廣母楊氏立一在元天閣右為鄭經邦妻李氏立一在佛子格為陳世冕妻詹氏立一在下巷為唐良才妻一百三歲陳氏立一在東門外為庠生陳元綦妻柯氏立一在新安羅山為陳雙輝妻林氏立

寧洋縣坊表闕

論曰創始難而易脩復易而難蓋創建之初事從質樸人樂更新斯經費易集厥後建置日增即脩復難於遍及至有與地方最相關者及不暇顧慮亦勢使然也龍巖陞州後凡規建之大者視通都大邑無不畢具若祠廟亭閣基布星列勢更無可復增然則都人士當規制大備之後其於更創理舊

尚權於二者之間而審所從事哉

龍巖州志卷之二終

龍巖州志

卷二

現建志

全

